



水經注釋卷二十九

仁和趙一清誠夫錄

潛水

湍水

均水

粉水

白水

泚水

潛水出巴郡宕渠縣

潛水蓋漢水枝分潛出故受其稱耳今爰有大穴潛水

入焉通岡山下西南潛出謂之伏水

全氏曰伏水劉昭補注郡國志引蜀

都賦註以為復出水一清按韻會復伏流也或作泚今漢水之分流者名蘆泚而其地又名白泚是亦復出水之義也唐置徵科巡院于白泚鎮在或以為古之潛水

鄭元曰漢別為潛其穴本小水積成澤流與漢合大禹

自導漢疏通即為西漢水也故書曰沱潛既道劉澄之稱白水入潛然白水與羌水合入漢是猶漢水也縣以延熙中分巴立宕渠郡蓋古賓國也今有賓城縣有渝水夾水上下皆賓民所居漢祖入關從定三秦其人勇健好歌舞高祖愛習之今巴渝儂是也縣西北有不曹水南逕其縣下注潛水一清按漢志巴郡宕渠縣不縣曹水出東北南入潛徐谷有車騎將軍馮緄桂陽太守李溫冢二子之靈常以三月還鄉漢水暴長郡縣吏民莫不于水上祭之今所謂馮李也

又南入于江

庾仲雍云墊江有別江出晉壽縣即潛水也其南源取

道巴西是西漢水也禹貢錐指曰左思蜀都賦云演以潛沫劉逵注潛水與郭璞同劉昭

於犍為武陽下引蜀都賦注以為潛水從縣南流至漢嘉縣入大穴中大繆漢志巴郡宕渠縣有潛水西南入

潛水經潛水出巴郡宕渠縣又南入于江注與郭璞說同下文又引康成之言以為證按宕渠故城在今順慶

府渠縣界鄰道云宕渠水即潛水規缸出南鄭縣南巴嶺謂之北水東南流逕宕渠縣謂之宕渠水又東南

入于漢規濌今渠縣之渠江源出夔州府太平縣東萬頃池自南江通江二縣界西南流至合州入嘉陵江者

是也此水本出山源不出于漢徧考近志其地亦無所謂大穴通岡山下者且漢志云西南入潛潛即禹貢之

潛而此水與之合則是班固原不以此水為禹貢之潛也水經改云入江故鄭援郭鄭之說以立注而不知二

氏所言主漢壽與宕渠無涉移彼入此舛繆殊甚且此水源出巴嶺巴嶺在南鄭縣百餘里綿亘深遠高聳千

尋冬夏積雪不消包孤雲兩角米倉山行者必三日始達于之南路通巴州中有孤雲米倉山行者必三日始達于

嶺王韶之所謂孤雲兩角去天一握其嶮如此禹必不以爲貢道潛不在宕渠無疑矣一清按漢志潛水西南入江與水經合不云入潛其入潛者不曹水也東樵何以誤引而繆證之

湍水元遺山集曉發石門渡湍水道中詩自註水經湍音專出酈縣北芬山南流過

其縣東又南過冠軍縣東

湍水出宏農界翼望山水甚清徹東南流逕南陽酈縣

故城東史記所謂下析酈也漢武帝元封元年封左將

黃同爲侯國一清按史表是下酈侯左將軍黃同索隱曰西南夷傳甌駱將左黃同則左是姓恐

誤漢表云左將黃同則左將是官不疑又漢表是下酈侯師古曰酈音孚然表明云南陽則酈縣是也若作孚

音則在馮翊矣亦爲誤也湍水又南菊水注之水出西北石澗山芳

菊谿亦言出析谷蓋谿澗之異名也源傍悉生菊草潭

澗滋液極成甘美云此谷之水土飡挹長年司空王暢

太傅袁隗太尉胡廣竝汲飲此水以自綏養是以君子

畱心甘其臭尙矣菊水東南流入于湍一清按漢志宏農郡析縣黃水

出黃谷鞠水出析谷俱東至酈入湍水師古曰鞠水卽今所謂菊潭也黃水見丹水注湍水又逕

其縣東南歷冠軍縣西北有楚塲高下相承八重周十

里方塘蓄水澤潤不窮湍水又逕冠軍縣故城東縣本

穰縣之盧陽鄉宛之臨駝聚漢武帝以霍去病功冠諸

軍故立冠軍縣以封之水西有漢太尉長史邑人張敏

碑碑之西有魏征南軍司一清按魏晉之際軍中有軍

是也又有軍司杜預行平東將軍領征南軍司是也胡三省曰軍司馬也張詹寰宇記墓

南軍司是也胡三省曰軍司馬也張詹寰宇記墓

墓有碑碑背刊云白楸之棺易朽之裳銅鐵不入凡氏日凡古丹字俗本作凡誤也器不藏嗟矣後人幸勿我傷自後古墳

舊冢莫不夷毀而是墓至元嘉初尙不見發六年大水蠻饑始被發掘說者言初開金銀銅錫之器朱漆雕刻

之飾爛然有二朱漆棺棺前垂竹簾隱以金釘墓不甚高而內極寬大虛設白楸之言空負黃金之實雖意錮

南山寧同壽乎湍水又逕穰縣爲六門陂漢孝成之世南陽太守召信臣以建昭五年斷湍水立穰西石場至

元始五年更開三門爲六石門故號六門場也一清按建昭是

元帝紀年成帝則有建始之號漢書循吏傳信臣由南陽太守遷河南太守徵爲少府立場事在元帝之世無

疑故平帝元始四年祀百辟卿士有益于民者九江以召父其時信臣已卒至五年更開三門爲六門場又別

是一事而道元遂言之消水注云昔在晉世杜預繼信臣之業復六門之陂直以元始所開亦信臣之遺規則

誤矣溝洫志又云宣帝時鄭宏召信臣爲南陽太守守豈久歷宣元之世不易其任故能成其功業耶溉穰

新野昆陽三縣五千餘頃漢末毀廢遂不修理晉太康三年鎮南將軍杜預復更開廣利加於民今廢不修矣

六門側猶有六門碑是部曲主安陽亭侯鄧達等以太康五年立湍水又逕穰縣故城北又東南逕魏武故城

之西南是建安三年曹公攻張繡之所築也又東過白牛邑南湍水自白牛邑南建武中世祖封劉嵩爲侯國一清按章懷後

漢書注云白牛蓋鄉亭之號在鄧州東

湍水又東南逕安衆縣故城南縣

本宛之西鄉漢長沙定王子康侯丹之邑也

一清按史表丹以元

朔四年封湍水東南流湍水注之水出涅陽縣西北岐棘山

東南逕涅陽縣故城西漢武帝元封四年封路最為侯

全氏曰漢表涅陽侯最朝鮮相路人子似失其姓又云在齊地理志齊郡無涅陽未詳其義又史表呂勝

亦封涅陽索隱曰縣屬南陽則漢表疑誤抑或食邑在齊耶王莽之所謂前亭也應

劭曰在涅水之陽矣縣南有二碑碑字紊滅不可復識

云是左伯豪碑涅水又東南逕安衆縣竭而為陂謂之

安衆港魏太祖破張繡于是處與荀彧書曰繡遏吾歸

師迫我死地蓋于二水之間以為浚涉之艱阻也涅水

又東南流注于湍水

又東南至新野縣東入于洧

湍水至縣西北東分為鄧氏陂漢太傅鄧禹故宅其奉

朝請西亭侯鄧晨故宅隔陂鄧颺謂晨宅略存焉

均水出浙縣北山南流過其縣之東

寰宇記鄧州內鄉縣下云析水即水經之

均水也出析縣北南入于洧謂之均口郡國縣道記析水逕析縣東今析水逕縣西蓋酈氏之經有誤矣

均水發源宏農郡之盧氏縣熊耳山山南即修陽葛陽

二縣界也

一清按魏書地形志析州修陽郡領修陽蓋陽二縣蓋葛音同通用

雙峯齊秀

望若熊耳因以為名齊桓公召陵之會西望熊耳即此

山也太史公司馬遷皆嘗登之縣即析之北鄉故言出

縣北也

一清按經文是出析縣北山

均水又東南流注逕其縣下南

越南鄉縣又南流與丹水合

又南當涉都邑北南入于沔

均水南逕順陽縣西漢哀帝更為博山縣明帝復曰順

陽應劭曰縣在順水之陽今于是縣則無聞于順水矣

章帝建初四年封衛尉馬廖為侯國晉太康中立為順

陽郡縣西有石山南臨均水均水又南流注于沔水謂

之均口者也

一清按通鑑釋文辨誤云孫愔曰均水名出析縣北山南入沔今作均蓋均均同音

或曰均口或曰均口後人遂連均均二字言之謂為均

均口禹貢錐指曰沔水注云沔水又東南逕涉都縣東

北均水于此入沔謂之均口或从水作均韻會均字下

云隋置均州取均水名是均即均史承水經之誤曰均

口晉桓溫伐秦水軍自襄陽入均口是也或又曰均均

口齊陳顯達攻魏馬圈軍入均均口是也均口及均均

口自是史誤東樵猥故地理志謂之育水言熊耳之山

云史承水經非矣

育水出焉又東南至順陽入于沔

一清按漢志宏農郡南至順陽入沔育水即均水非自鄧入沔之清水也書

敘指南曰水經均州地名曰龍井今龍井之文見沔水

篇育溪注中均之為育益可信矣

粉水出房陵縣東流過郢邑南

粉水導源房陵東流注上粉縣

一清按上粉縣不知何時所立兩漢晉宋魏諸志皆無之豈曹氏所置而旋廢者與寰宇記房陵縣有粉城沔水篇經注均有是縣此與沔水篇之臨沮縣同

一卷中之可疑者也取此水以漬粉則皓耀鮮潔有異衆流故縣

水皆取名焉

又東過穀邑南東入于沔

粉水至筑陽縣西而下注于沔水謂之粉口粉水旁有

文將軍冢墓隧前有石虎石柱甚修麗閭邱羨之為南

陽葬婦墓側將平其域夕忽夢文諫止羨之不從後羨

之為楊佺期所害論者以為文將軍之祟也

白水出朝陽縣西東流過其縣南

王莽更之為厲信縣應劭曰縣在朝水之陽今朝水逕

其北而不出其南也蓋邑郭淪移川渠狀改故名舊傳

遺稱在今也

又東至新野縣西東入于清

泚水出泚陽東北大胡山東南流逕其縣南泚水從南來

注之一清按泚陽漢志續志皆作比陽誤也應劭曰比水

東入蔡或是傳寫之訛後漢書光武紀與甄阜梁邱

賜戰于比水西章懷注云泚水在今唐州泚陽縣南廬

江濤縣亦有泚水與此別也泚音比竟作比字矣大非

大胡山在泚陽北如東三十餘里廣員五六十里張衡

賦南都所謂天封大胡者也一清按太平御覽引注文

陽圖經云山有大石如狐范應劭曰泚水出泚陽縣東

史樊英傳作壺山音同通用入蔡經云泚水從南來注之然泚陽無泚水蓋誤引壽

春之泚泄耳余以延昌四年蒙除東荊州刺史州治泚

陽縣故城城南有蔡水出南磐石山故亦曰磐石川西

北流注於泚非泚水也呂氏春秋曰齊令章子與韓魏

攻荆荆使唐襲應之夾泚而軍欲視水之深淺荆人射之而莫知也有菑者曰兵盛則水淺矣章子夜襲之斬葭于是水之上也泚水又西澳水注之水北出茈邱山東流屈而南轉又南入于泚水按山海經云澳水又北入視不注泚水余按呂忱字林及難字爾雅竝言灤水在泚陽脈其川流所會診其水土津注宜是灤水音藥一清按此二字乃注中注也也泚水又西南歷長岡舊月城北泚水右會馬仁陂水水出濩陰北山泉流競湊水積成湖蓋地百頃謂之馬仁陂陂水歷其縣下西南竭之以溉田疇公私引裂水流遂斷故瀆尚存泚水又南逕會口與

赭水枝津合泚水又南與澧水會澧水源出于桐柏山與淮同源而別流西注故亦謂水為派水澧水西北流逕平氏縣故城東北王莽更名其縣曰平善城內有南陽都鄉正衛彈勸碑一清按金石錄作街彈碑詳見澧水注衛為碑下水又西北合澨水水出湖南北山一清按疑有誤文抑南曰陽水北曰陽即湖陽之北山也西流北屈逕平氏城西而北入澧水

澧水又西注泚水泚水自下亦通謂之為派水昔漢光武破甄阜梁邱賜于泚水西斬之于斯水也泚水又南趙澧二渠出焉泚水又西南流謝水注之水出謝城北其源微小至城漸大城周迴側水申伯之都也詩所謂

申伯番番既入于謝者也世祖建武十三年封樊重少子丹為謝陽侯即其國也然則是水即謝水也高岸下深浚流徐平時人目之為渟澹水城戍又以渟澹為目非也其城之西舊棘陽縣治故亦謂之棘陽城也謝水又東南逕新都縣左注泚水又西南流逕新都縣故城西王莽更之曰新林郡國志以為新野之東鄉故新都者也

又西至新野縣南入于涓

泚水于岡南

全氏曰此岡即上注云長岡也

西南流戍在岡上泚水又

西南與南長坂門二水合

一清按坂門水即下板橋水也未知水有二名也抑誤字

也其水東北出湖陽東隆山山之西側有漢日南太守

胡著碑子珍騎都尉尚湖陽長公主即光武之伯姊也

廟堂皆以青石為階陛廟北有石室珍之元孫桂陽太

守瑒以延熹四年遭母憂于墓次立石祠勒銘于梁石

宇傾頽而梁字無毀盛宏之以為樊重之母畏雷室蓋

傳疑之謬也隆山南有一小山山坂有兩石虎相對夾

隧道雖處蠻荒全無破毀作制甚工信為妙矣世人因

謂之為石虎山其水西南流逕湖陽縣故城南地理志

曰故廖國也竹書紀年曰楚共王會宋平公于湖陽者

矣東城中有二碑似是樊重碑悉載故吏人名司馬彪

曰仲山甫封于樊因氏國焉爰自宅陽徙居湖陽能治田殖至三百頃廣起廬舍高樓連閣陂渠灌注竹木成林六畜放牧魚羸梨果檀棘桑麻閉門成市兵弩器械貲至百萬其興工造作為無窮之功巧不可言富擬封君世祖之少數歸外氏及之長安受業齎送甚至世祖卽位追爵敬侯詔湖陽為重立廟置吏奉祠巡祠章陵常幸重墓一清按范史樊宏傳父重字君雲世善農稼好貨殖王莽末義兵起宏與宗家親屬作營塹自守老弱歸之者千餘家其水四周城漑城之東南有若令樊萌中常侍樊安碑一清按隸釋漢故中常侍騎都尉樊君熹三年冬十月城有數碑無字又有石廟數間依于墓熹三月冬十月城南有數碑無字又有石廟數間依于墓

側棟宇崩毀惟石壁而已亦不知誰之冑族矣其水南入大湖湖陽之名縣藉茲而納稱也湖水西南流又與湖陽諸陂散水合謂之板橋水又西南與醴渠合又有趙渠注之二水上承派水南逕新都縣故城東兩瀆雙引南合板橋水板橋水又西南與南長水會水上承唐子襄鄉諸陂散流也唐子陂在唐子山西南有唐子亭漢光武自新野屠唐子鄉殺湖陽尉于是地陂水清深光武後以為神淵西南流于新野縣與板橋水合西南注于泚水又西南流注于涓水也

于北水又西南流于前水出

大丘於以爲輒開西南流于濠裡總與淋水合西南

萬六丘自濠裡西出于濠裡總與淋水合西南

于濠裡濠裡水出於于濠里山西南出於于濠

山西南合淋水淋水又西南與南是水會水土承

鼓泉出之二水土承水南出濠裡總與淋水合西南

濠裡水出於濠裡水合濠裡水又西南與濠裡水合西南

入大濠裡水出於濠裡水合濠裡水又西南與濠裡水合西南

水經注釋卷二十九終

水經注釋卷三十

仁和趙一清誠夫錄

淮水

淮水出南陽平氏縣胎簪山東北過桐柏山

山海經曰淮出餘山在朝陽東義鄉西尚書導淮自桐

柏地理志曰南陽平氏縣王莽之平善也風俗通曰南

陽平氏縣桐柏大復山在東南淮水所出也淮均也春

秋說題辭曰淮者均其勢也釋名曰淮韋也韋繞揚州

北界東至于海也爾雅曰淮爲潁然淮水與醴水同源

俱導西流爲醴東流爲淮自一清按下潛流地下三十

許里東出桐柏之大復山南謂之陽口水南即復陽縣也闕駟言復陽縣湖陽之樂鄉也元帝元延二年置在桐柏大復山之陽故曰復陽也東觀漢記曰朱祐少孤歸外家復陽劉氏山南有淮源廟廟前有碑是南陽郭苞立又二碑並是漢延熹中守令所造文辭鄙拙殆不可觀集古錄曰桐柏廟碑磨滅雖不甚而文字斷續粗可考次蓋南陽太守修廟碑也其辭云延熹六年正月乙酉南陽太守中山盧奴君奴下正闕一字當是其姓其後有頌亦可讀第不見太守姓名然不著他事惟修廟祀神爾朱氏彝尊曰碑云盧奴張君特未詳其名其碑甚完好疑為後人所重摹一清按其一碑見隸釋第二卷即道元所謂文辭鄙拙殆不可觀者也故經云東北過桐柏也淮水又東逕義陽縣縣南對固成山山有水注流數丈洪濤

灌山遂成巨井謂之石泉水北流注于淮淮水又逕義陽縣故城南義陽郡治也世謂之白茅城其城圓而不方闕駟言晉太始中割南陽東鄙之安昌平林平氏義陽四縣置義陽郡于安昌城又太康記晉書地道記並有義陽郡以南陽屬縣為名漢武帝元狩四年封北地都尉衛山為侯國也有九渡水注之水出雞翅山礮澗潛委沿遡九渡矣其猶零陽之九渡故亦謂之為九渡焉于溪之東山有一水發自山椒下數丈素湍直注頽波委壑可數百丈望之若霏幅練矣下注九渡水九渡水又北流注于淮

東過江夏平春縣北

淮水又東油水注之水出縣西南油溪東北流逕平春縣故城南漢章帝建初四年封子全為王國淮水又東逕曲岸北有一土穴徑尺泉流下注浴波三丈入于油水亂流南屈又東北注于淮淮水又東北逕成陽縣故城南漢高帝十二年封定侯奚意為侯國王莽之新利也魏成陽郡治淮水又東北與大木水合水西出大木山山即晉車騎將軍祖逖自陳畱將家避難所居也其水東逕成陽縣北而東入于淮淮水又東北流左會湖水傍川西南出窮溪得其源也淮水又東逕安陽縣故

城南江國也嬴姓矣今其地有江亭春秋文公四年楚

人滅江秦伯降服出次日同盟滅雖不能救敢不矜乎

地理志曰漢乃縣之一清按今漢志無此文呂后八年封淮南厲

王子劉勃為侯國朱氏謀璋箋曰孫云按史表文帝八年封王莽之均夏也

淮水又東得澗口水源南出大潰山東北流翼帶三川

亂流北注澗水又北逕賢首山西又北出東南屈逕仁

順城南故義陽郡治分南陽置也晉太始初以封安平

獻王孚長子望本治在石城山上因梁希一清按希字疑誤侵

逼徙治此城齊司州刺史馬鮮卑不守魏置郢州也清

按通鑑梁天監四年魏人聞蔡道恭卒攻義陽益急上遣寧朔將軍馬仙琕救義陽元英縱兵擊之仙琕大敗

而還蔡靈恩勢窮降于魏魏置郢州于義陽梁書本傳
天監四年仙琚遷南義陽太守封含涇縣伯仍督司州
諸軍事正指此事注云馬鮮卑不知傳寫之
誤也抑南北流聞之訛也齊字亦誤當作梁 昔常珍奇

自懸瓠遣三千騎援義陽行事龐定光屯于澗水者也

澗水東南流歷金山北山無樹木峻峭層峙澗水又東

逕義陽縣故城北城在山上因倚陵嶺周迴三里是郡

昔所舊治城城南一十五步對門有天井周一百餘步

深一丈東逕鍾武縣故城南本江夏之屬縣也王莽之

當利縣矣又東逕石城山北山甚高峻史記曰魏攻冥

阨音義曰冥阨或言在郟縣藉山也按呂氏春秋九塞

其一也澗水逕郟縣故城南建武中世祖封鄧邯為郟

侯按蘇林曰音盲

全氏曰六字注中注

澗水又東逕七井岡南又

東北注于淮淮水又東至谷口谷水南出鮮金山北流

瑟水注之水出西南具山東北逕光淹城東而北逕青

山東羅山西俗謂之仙居水東北流注于谷水谷水東

北入于淮

又東過新息縣南

淮水東逕故息城南春秋左傳隱公十一年鄭息有違

言息侯伐鄭鄭伯敗之者也淮水又東逕浮光山北亦

曰扶光山即弋陽山也出名玉及黑石堪為碁其山俯

映長淮每有光輝淮水又東逕新息縣故城南應劭曰

息後徙東故加新也王莽之新德也光武十九年封馬
 援為侯國外城北門內有新息長賈彪廟廟前有碑面
 南又有魏汝南太守程曉碑魏太和申蠻田益宗効誠
 立東豫州以益宗為刺史淮水又東合慎水水出慎陽
 縣西而東逕慎陽縣故城南縣取名焉漢高帝十一年
 封欒說為侯國潁陰劉陶為縣長政化大行道不拾遺
 以病去官童謠歌曰悒然不樂思我劉君何時復來安
 此下民見思如此應劭曰慎水所出東北入淮慎水又
 東流積為焦陂陂水又東南流為上慎陂又東為中慎
 陂又東南為下慎陂皆與鴻郟陂水散流其陂首受淮

川左結鴻陂漢成帝時翟方進奏毀之建武中汝南太
 守鄧晨欲修復之知許偉君曉知水脈召與議之偉君
 言成帝用方進言毀之尋而夢上天天帝怒曰何故敗

我濯子淵一清按後漢書許揚傳作濯龍淵是後民失其利時有童謠

曰敗我陂翟子威及子覆一清按後漢書作反乎覆水經多引異文可並存也陂

當復明府興復廢業童謠之言將有徵矣遂署都水掾
 起塘四百餘里百姓得其利陂水散流下合慎水而東
 南逕息城北又東南流入淮謂之慎口淮水又東與申
 陂水合水上承申陂于新息縣北東南流分為二水一
 水逕深邱西又屈逕其南南派為蓮湖水南流注于淮

淮水又左迤流結兩湖謂之東西蓮湖矣淮水又東右合壑水水出白沙山東北逕柴亭西俗謂之柴水又東北流與潭溪水合水發潭谷東北流右會柴水柴水又東逕黃城西故弋陽縣也城內有二城西即黃城也柴水又東北入于淮謂之柴口也淮水又東北申陂枝水注之水首受陂水于深邱北東逕釣臺南臺在水曲之中臺北有琴臺又東逕陽亭南東南合淮淮水又東逕淮陰亭北又東逕白城南楚白公勝之邑也又東北去白亭一十里淮水又東逕長陵戍南又東青陂水注之分青陂東瀆東南逕白亭西又南于長陵戍東東南入

于淮淮水又東北合黃水水出黃武山東北流木陵關

水注之

全氏曰按木陵即左傳之穆陵南史俱作木

水導源木陵山西北流

注于黃水黃水又東逕晉西陽城南又東逕南光城南

光郡治又東北逕高城南故弦高國也

全氏曰弦高是鄭商安得有國

且非鄭地也將無誤記江黃道柏之姻而妄系以名又東北逕弋陽郡東有虞邱

郭南有子胥廟黃水又東北入于淮謂之黃口淮水又

東北逕褒信縣故城南而東流注之者也

又東過期思縣北

縣故蔣國周公之後也春秋文公十年楚王田于孟諸

期思公復遂為右司馬楚滅之以為縣

全氏曰道元似以期思公即蔣

君之後而楚滅之誤也是漢高帝十二年以封賁赫為

蓋楚之縣尹故稱公耳

侯國城之西北隅有楚相孫叔敖廟廟前有碑一清按

相孫叔敖碑云楚相孫君諱饒字叔敖本是縣人六國

時期思屬楚碑以漢延熹二年五月廿八日立及碑陰

集古錄云孫叔敖碑云名饒字叔敖而史記不著其名

見于他書者亦皆曰叔敖而已微斯碑後世遂不復知

其名饒也洪适曰碑在今光州延熹二年固始令段光

為叔敖作廟所立左氏傳為敖薦艾獵杜預皆以為叔

敖他書但云孫叔敖此碑獨言其名饒未知何據劉昌

詩蘆浦筆記云楚相孫君碑不見書撰人名字攷史記

本傳列于循吏之首獨載改幣高桐事為詳而碑則略

之埋蛇陰德僅書于劉向新序屬子云云則在優孟傳

然其文意皆不同碑謂生于季末仕于靈王則繆矣且

莊之後為共為康為邾敖歷三世凡五十年始為靈安

得仕于靈卒後數年而莊復封其子耶六一先生跋喜

其得叔敖之名兼以集錄二十年求之博且勤乃得之

故不暇訂正耳續金石錄云碑文可議者三如云叔敖

為相庶人有會閔貞孝之行又云繼伍舉子文之統又

云仕于靈王卒後數年莊王封之夫叔敖相楚當魯宣

公時曾閔在定哀之際援後贊前猶作文者比擬之病

至伍舉後于敖四五十年直云繼其統何耶况靈王為

莊王之曾孫反序在前舛繆極矣彼云名饒未必有所

據也毛奇齡經問曰張燧問淮安閻氏謂孫叔敖即宣

十一年楚之令尹為艾獵也艾獵楚公族即為賈之子

並非處士起家為楚莊所舉用者此可信與曰孫叔敖

自是處士凡荀子呂覽史記以及劉向說苑新序列女
傳皆明載其人趙岐舊註原是有據史記孫叔敖傳謂
叔敖楚之處士虞邱相薦于王而代為楚相未詳為何
所人也唯荀子呂覽皆有孫叔敖為期思之鄙人語考
期思本蓼國地即春秋寢邱也漢名寢縣東漢名固始
楚子于宣八年滅蓼而宣十二年即有孫叔敖之名見
于策書則以蓼名期思必蓼滅而後期思之鄙人始得
用虞邱之薦而舉為令尹若云楚公族其誤始于杜預
服虔之註左傳而孔氏正義不能辨正左傳宣十一年
有令尹為艾獵城沂事其明年晉楚戰邲又有令尹孫
叔敖不欲戰事以為兩年相拒不甚遠而只此令尹必
屬一人不知隔歲易官在列國多有之左氏既曰令尹
孫叔敖不欲又曰若事得捷則孫叔敖為無謀矣一稱敖

名一稱叔字是必氏孫字叔而敖其名與蔦賈之子明屬兩人乃其所大誤者則以戰邲時隨武子稱有蔦敖而杜預以為即兼稱也其時蔦敖不在軍楚制有令尹太宰二官令尹極尊太宰極卑孫叔令尹豈得與蔦敖太宰合作一人也又章懷後漢書註引皇覽曰楚大夫子思冢在當塗縣東山鄉西去縣四十里子思造芍陂子思似是孫叔敖之字然則非名饒字叔敖矣

淮水又東北淠水注之水出弋陽縣南垂山西北流歷陰山關逕二城間舊有賊難軍所頓防西北出山又東北流逕新城戍東又東北得詔虞水口西北去弋陽虞邱郭二十五里水出南山東北流逕詔虞亭東而北入淠水又東北注淮俗曰白鷺水東過原鹿縣南汝水從西北來注之

縣即春秋之鹿上也左傳僖公二十一年宋人為鹿上

之盟以求諸侯于楚建武十五年世祖更封侍中執金吾陰鄉侯陰識為侯國者也

又東過廬江安豐縣東北決水從北來注之

廬江故淮南也漢文帝十六年別以為國應劭曰故廬子國也決水自舒蓼北注不于北來也安豐東北注淮者窮水矣又非決水皆誤耳淮水又東谷水入焉水上承富水東南流世謂之谷水也東逕原鹿縣故城北城北側水南谷水又東逕富陂縣故城北俗謂之成閭亭非也地理志曰汝南郡有富陂縣建武二年世祖改封平鄉侯王霸為富陂侯十三州志曰漢和帝永元九年分

汝陰置多陂塘以溉稻故曰富陂縣也

沈氏曰漢志續志後漢書本傳

皆作波波陂字通用

谷水又東于汝陰城東南注淮淮水又東北

左會潤水水首受富陂東南流為高塘陂又東積而為

陂水東注焦陵陂陂水北出為鮦陂陂水潭漲引瀆北

注汝陰四周隍塹下注潁水焦湖東注謂之潤水逕汝

陰縣東逕荆亭北而東入于淮淮水又東北窮水入焉

水出六安國安豐縣窮谷春秋左傳楚救澆司馬沈尹

戌與吳師遇于窮谷者也川流泄注于決水之右北灌

安豐之左世謂之安豐水亦曰窮水音戎並聲相近字

隨讀轉

全氏曰十字注中注

流結為陂謂之窮陂塘堰雖淪猶用

不輟陂水四分農事用康北流注于淮京相璠曰今安

豐有窮水北入淮淮水又東為安豐津水南有城故安

豐都尉治後立霍邱戍淮中有洲俗號關洲蓋津關所

在故斯洲納稱焉魏書國志有曰司馬景王征母邱儉

使鎮東將軍豫州刺史諸葛誕從安豐津先至壽春儉

敗與小弟秀藏水草中安豐津都尉部民張屬斬之傳

首京都即斯津也

一清按漢志六安國有安豐縣莽曰美豐又有安風縣莽曰安風亭蓋西

京六安國治安風故莽改國曰安風縣曰安風亭也魏

輿地志揚州有安豐郡霍州有安豐郡治步洛城方

侯國蓋後漢以封竇融之國都也而別有安豐縣三國

魏置安豐郡治安風縣晉仍為郡治杜佑曰霍邱城北

處也或譌風為豐今注云云直是誤文

又東北至九江壽春縣西泚水洪水

全氏曰洪水當作泄水

合北流

注之又東潁水從西北來流注之

淮水又東左合泚口又東逕中陽亭北為中陽渡水流

淺磧可以厲也淮水又東流與潁口會東南逕蒼陵城

北又東北流逕壽春縣故城西縣即楚考烈王自陳徙

此秦始皇立九江郡治此兼得廬江豫章之地故以九

江名郡漢高帝四年為淮南國孝武元狩六年復為九

江焉文穎曰史記貨殖傳曰淮以北沛陳汝南南郡為

西楚彭城以東東海吳廣陵為東楚衡山九江江南豫

章長沙為南楚是為三楚者也

一清按孟康曰舊名江陵為南楚吳為東楚彭

城為西楚師古曰孟說是

淮水又北左合椒水水上承淮水東北流

逕蚶城南又歷其城東亦謂之清水東北流注于淮水

謂之清水口者也

又東過壽春縣北肥水從縣東北流注之

淮水于壽陽縣西北肥水從城西北入于淮謂之肥口

淮水又北夏肥水注之

全氏曰漢志沛郡城父縣夏肥水東南至下蔡入淮此別是一

水與九江成德之肥水無與也近志稱肥水曰東肥夏肥水曰西肥

水上承沙水于城父

縣右出東南流逕城父縣故城南王莽之思善也縣故

焦夷之地春秋左傳昭公九年楚公子棄疾遷許于夷

實城父矣取州來淮北之田以益之伍舉授許夷田杜預曰此時改城父為夷故傳實之者也言夷田在濮水西者也然則濮水即沙水之兼稱得夏肥之通目矣漢

桓帝永壽元年封大將軍梁冀孫桃為侯國者也沈氏曰是

永興夏肥水自縣又東逕思善縣之故城南漢章帝章

和三年分城父立夏肥水又東為高陂又東為天淙陂

一清按天淙陂潁水注作大淙陂字形相近水出分為二流南為夏肥水北

為雞陂夏肥水東流左合雞水水出雞陂東為黃陂又

東南流積為茅陂又東為雞水呂氏春秋曰宋人有取

道者其馬不進投之雞水是也雞水又會夏肥水而亂

流東注俱入于淮淮水又北逕山碇中謂之碇石對岸

山上結二城以防津要西岸山上有馬跡世傳淮南王

乘馬昇仙所在也今山之東南石上有大小馬跡一十

餘所仍今存焉淮水又北逕下蔡縣故城東本州來之

城也吳季札始封延陵後邑州來故曰延州來矣春秋

哀公二年蔡成公自新蔡遷于州來全氏祖望曰是昭侯其子乃成侯也

且蔡亦無稱公者謂之下蔡也淮之東岸又有一城即下蔡新

城也二城對據翼帶淮濱淮水東逕八公山北山上有

老子廟淮水歷潘城南置潘溪戍戍東側潘溪吐川納

淮更相引注又東逕梁城臨側淮川川左有湄城淮水

左迤為湄湖淮水又右納洛川於西曲陽縣北水分閭
 溪北絕橫塘又北逕蕭亭東又北鵲甫溪水入焉水出
 東鵲甫谷西北流逕鵲甫亭南西北流注於洛水北逕
 西曲陽縣故城東王莽之延平亭也應劭曰縣在淮曲
 之陽下邳有曲陽故是加西也一清按漢志九江郡曲陽縣莽曰延平亭東海郡曲陽縣莽曰從平師古注兩引應劭在淮曲之陽語此是九江之曲陽續志始加西字東海之曲陽續志改隸下邳魏書地形志彭沛二郡領南陽中陽洛陽三縣南陽縣有曲陽城是也洛陽即洛澗之陽也洛澗
 北歷秦墟下注淮謂之洛口經所謂淮水逕壽春縣北
 肥水從縣東北注者也蓋經之謬矣考川定土即實為
 非是曰洛澗非肥水也淮水又北逕莫耶山西山南有

陰陵縣故城漢高祖五年項羽自垓下從數百騎夜馳
 渡淮至陰陵迷失道左陷大澤漢令騎將灌嬰以五千
 騎追及之於斯縣者也按地理志王莽之陰陸也後漢
 九江郡治時多虎災百姓苦之南陽宋均朱氏謀瑋箋曰按謝承書南陽宗資祖父均知宋當作宗范書作宋均為守退貪殘進忠良虎悉東渡
 江

又東過當塗縣北過水從西北來注之

淮水自莫耶山東北逕馬頭城北魏馬頭郡治也故當
 塗縣之故城也呂氏春秋曰禹娶塗山氏女不以私害
 公自辛至甲四日復往治水故江淮之俗以辛壬癸甲

為嫁娶日也禹墟在山西南縣即其地也地理志曰當塗侯國也魏不害以圍守尉捕淮陽反者公孫勇等漢以封之一清按漢表當塗侯魏不害以圍守尉捕反者淮陽胡債侯又轅陽侯江喜以圍嗇夫捕反者故城父令公孫勇侯俱以征和二年十一月封王莽更此從褚表故當以班史為是江喜褚作江德名山聚也淮水又東北濠水注之全氏曰此尚未是鍾離之濠水乃元和志所謂西濠者也在懷遠縣界水出莫耶山之東北溪溪水西北引瀆逕禹墟北又西流注於淮淮水又北沙水注之經所謂濠蕩渠也淮之西有平阿縣故城王莽之平寧也建武十三年世祖更封耿阜為侯國郡國志曰平阿縣有當塗山渠出於荆山之左當塗之右奔流二山之閒而揚

濤北注之春秋左傳哀公七年大夫對孟孫曰禹會諸侯於塗山執玉帛者萬國杜預曰塗山在壽春東北非也余按國語曰吳伐楚隳會稽獲骨焉節專車吳子使來聘且問之客執骨而問之敢問骨何為大仲尼曰丘聞之昔禹致羣神於會稽之山防風氏後至禹殺之其骨專車此為大也蓋邱明親承聖旨錄為實證矣又按劉向說苑辨物王肅之敘孔子廿二世孫孔猛所出先人書家語竝出此事故塗山有會稽之名考校羣書及方土之目疑非此矣蓋周穆之所會矣淮水於荆山北過水自南注之又東北逕沛郡義城縣東司馬彪曰後

隸九江也

又東過鍾離縣北

世本曰鍾離嬴姓也應劭曰縣故鍾離子國也楚滅之

以為縣春秋左傳所謂吳公子光伐楚拔鍾離者也王

莽之蠶富也濠水出陰陵縣之陽亭北

全氏曰此所謂東濠也寰宇記

云出鍾離縣南濠塘山二濠相近然東濠為大

小屈有石穴不測所窮言穴出

鍾乳所未詳也濠水東北流逕其縣西又屈而南轉東

逕其城南又北歷其城東逕小城而北流注於淮淮水

又東逕夏邱縣南又東渙水西入九里注之渙水又東

南流逕雒邱縣故城南又東逕承匡城又東逕襄邑縣

故城南故宋之承匡襄牛之地

一清按漢志注應劭以陳留襄邑為春秋之襄

牛師古引圈稱曰襄邑宋地本承匡襄陵鄉應說誤也道元蓋惑于仲瑗不能別也

宋襄公之所

葬故號襄陵矣竹書紀年梁惠成王十七年宋景鼓衛

公孫倉會齊師圍我襄陵十八年惠成王以韓師敗諸

侯師于襄陵齊侯使楚景舍來求成公會齊宋之圍即

於此也西有承匡城春秋會于承匡者也秦始皇以承

匡卑溼徙縣於襄陵更為襄邑也王莽以為襄平也漢

桓帝建和元年封梁冀子胡狗

全氏曰按胡狗即梁胤當是其小字

為侯

國陳留風俗傳曰縣南有渙水故傳曰睢渙之間出文

章天子郊廟御服出焉尚書所謂厥篚織文者也

禹貢錐指

日厥篚織文疏云漢世陳畱襄邑縣置服官使制作衣服是兗州綾錦美也按水經注引陳畱風俗傳云云襄邑在豫域不當引兗篚為證疏承其繆

東逕鄆城北春秋襄公元年經書晉韓厥帥師伐鄭魯

仲孫蔑會齊曹邾杞次于鄆杜預曰陳畱襄邑縣東南

有鄆城渙水又東南逕鄆城北新城南又東南左合明

溝溝水自逢洪陂東南流謂之明溝下入渙水又逕亳

城北帝王世紀曰穀熟為南亳即湯都也十三州志曰

漢武帝分穀熟置春秋莊公十二年宋公子御說奔于

亳者也渙水東逕穀熟城南漢光武建武二年封更始

子歆為侯國又東逕陽亭北春秋左氏傳襄公十二年

楚子囊秦庶長無地伐宋師于楊梁以報晉之取鄭也

京相璠曰宋地矣睢陽東南三十里有故陽梁城今日

陽亭也俗名之曰緣城非矣西北去梁國八十里渙水

又東逕沛郡之建平縣故城南漢昭帝元鳳元年封杜

延年為侯國王莽之田平也又東逕鄆縣故城南春秋

襄公十年公會諸侯及齊世子光于鄆今其地鄆聚是

也王莽之贊治矣一清按漢志沛郡鄆縣莽曰贊治應劭曰音嗟師古曰此縣本為鄆應音

是也中古以來借贊字為之耳讀皆為鄆而莽呼為贊

治則此縣亦有贊音索隱以為蕭何所封邑班固泗水

亭碑云文昌四友漢有蕭何序功第一受封于鄆以韻

而言似非南陽之鄆又曰何封實在南陽非沛縣也說

者引江統徂淮賦以為證此乃渙水又東南逕費亭南

漢建和元年封中常侍沛國曹騰為侯國騰字季興譙人也永初中定桓帝策封亭侯此城即其所食之邑也

渙水又東逕銍縣故城南昔吳廣之起兵也使葛嬰下之渙水又東苞水注之水出譙城北白汀陂陂水東流

逕鄆縣南又東逕鄆縣故城南漢景帝中元年封周應為侯國王莽更之曰留城也音多全氏曰二字注中注沈氏曰漢書周繆傳

景帝中元年封繆子應為鄆侯蘇林音多寒反讀如邯鄆之鄆也史記周繆傳亦引蘇音則但曰音多漢志引孟康之音亦曰多丁度遂造為當何反之音以附會之觀是注則六朝本已如是不始于小顏小司馬也又宋祁曰音留蓋承六朝誤本以莽所改之單城為留城之繆若作留音則又添一疑網轉相迷惑不可窮詰矣

又東逕嵇山北嵇氏故居嵇康本姓奚會稽人也先人

自會稽遷于譙之銍縣改為嵇氏取稽字之上以為姓蓋志本也嵇氏譜曰譙有嵇山家于其側遂以為氏縣

魏黃初中文帝以鄆城父山桑銍置譙郡故隸譙焉清一

按晉志云魏武分沛立譙郡宋志云魏明帝分立又引王粲詩以證是建安中立然則武帝是也注以為黃初蓋文帝受禪之後建苞水東流入渙渙水又東南逕

縣故城南地理志曰故番鄉也漢高帝破黥布于此縣舊都尉治王莽之蘄城也水上有古石梁處遺基尚存

渙水又東逕穀陽縣右會八丈故瀆瀆上承浚水南流注于渙渙水又東逕穀陽戍南又東南逕穀陽縣故城

東北右與解水會水上承縣西南解塘東北流逕穀陽

城南即穀水也應劭曰城在穀水之陽穀水又東北流

注于渙全氏曰先大父贈公曰渙讀如濊胡三省通鑑注引地形志穀陽郡建城縣有濊水丁度曰濊

呼外反一作渙其音同今渙水又東南逕白石戍南逕

埵城南浚水注之水首受蘄水于蘄縣東南流逕穀陽

縣八丈故瀆出焉又東合長直故瀆瀆上承蘄水南會

于浚浚水又東南流于浚縣故城北縣有垓下聚漢高

祖破項羽所在也王莽更名其縣曰育城一清按漢志注作有成並

誤也此是莽改浚縣曰育城耳師古曰浚音肴是也應劭曰浚水所出音絞經之

絞也全氏祖望曰浚水又東南入于淮故應劭曰浚水

南入淮淮水又東至巉石山潼水注之水首受潼縣西

南潼陂縣故臨淮郡之屬縣王莽改曰成信矣南逕沛

國夏邱縣絕蘄逕夏邱縣故城西王莽改曰歸思也又

東南流逕臨潼戍西又東南至巉石山西南入淮淮水

又東逕浮山山北對巉石山梁氏天監中立堰于二山

之間逆天地之心乖民神之望自然水潰淮矣淮水又

東逕徐縣南歷澗水注之水導徐城西北徐陂陂水南

流絕蘄水逕歷澗水西東南流注于淮淮水又東池水

注之水出東城縣東北流逕東城縣故城南漢以數千

騎追羽羽帥二十八騎引東城因四隕山斬將而去即

此處也史記孝惠八年封淮南厲王子劉賜為侯國朱氏

謀緯箋曰按史記孝文八年封淮南厲地理志王莽更

王子劉良為東城侯劉賜為陽周侯

名之曰武城也池水又東北流歷二山閒東北入于淮

謂之池口也全氏曰按胡三省曰今招信軍盱眙縣西淮陵城臨池河池河過淮陵城西北入淮

謂之池淮水又東蘄水注之水首受睢水于穀熟城東

北東逕建城縣故城北漢武帝元朔四年封長沙定王

子劉拾為侯國一清按索隱曰表在豫章道元于贛水篇已引之此誤也王莽之多

聚也一清按漢志豫章郡建成縣莽曰蘄水又東南逕

蘄縣縣有大澤鄉陳涉起兵于此燔火為狐鳴處也南

則浚水出焉蘄水又東南北入八丈故瀆又東南流長

直故瀆出焉又東入夏邱縣東絕潼水經夏邱縣故城

北又東南逕潼縣南又東南流入徐縣東絕歷澗又東

逕大徐縣故城南又東流注于淮淮水又東歷客山沈氏

曰盱眙山古謂之客山逕盱眙縣故城西一清按西字地理志曰

都尉治漢武帝元朔元年封江都易王子劉蒙之一清

表作劉象之為侯國王莽更名之曰匡武一清按漢志作武匡淮

水又東逕廣陵歷淮陽城北臨泗水岨于二水之間述

征記淮陽太守治自後置戍縣亦有時廢興也

又東北至下邳淮陰縣西泗水從西北來流注之

淮泗之會即角城也左右兩川翼夾二水決入之所所

謂泗口也

又東過淮陰縣北中瀆水出白馬湖東北注之

淮水右岸即淮陰也城西二里有公路浦昔袁術向九

江將東奔袁譚路出斯浦因以為名焉又東逕淮陰縣

故城北城北臨淮水漢高帝六年封韓信為侯國王莽

之嘉信也昔韓信去下鄉而釣於此處也城東有兩冢

西者即漂母冢也周迴數百步高十餘丈昔漂母食信

于淮陰信王下邳蓋投金增陵以報母矣東一陵即信

母冢也縣有中瀆水首受江於廣陵郡之江都縣縣城

臨江應劭地理風俗記曰縣為一都之會故曰江都也

縣有江水祠俗謂之伍相廟也子胥但配食耳歲三祭

與五岳同

全氏曰子胥為浙江神今錢塘吳山祠廟香火甚盛而大江之上杳然不知其亦主風濤

之患也

觀范史張禹傳及章懷注所引水經注逸文可見故山謙之南徐州記其于廣陵之曲江亦俱以為大

江而不專主浙江非盡無說也

舊江水道也昔吳將伐齊北霸中國自

廣陵城東南築邗城城下掘深溝謂之韓江亦曰邗溟

溝自江東北通射陽湖地理志所謂渠水也西北至末

口入淮

一清按漢志廣陵國江都縣渠水首受江北至射陽入湖禹貢錐指曰閩百詩四書釋地曰左

傳哀九年吳城邗溝通江淮杜預明謂于邗江築城穿溝東北通射陽湖西北至末口入淮乃引江達淮與孟

子排淮入江不合直至隋文帝開皇七年丁未開山陽瀆煬帝大業元年丁丑開邗溝皆自山陽至揚子入江

水流與前相反蓋孟子後九百餘歲其言始驗若預為之兆者亦一異事又云漢志江都渠水首受江北至射

陽入湖水經注中瀆水首受江自廣陵至山陽入淮是其水乃自南入北非自北入南也且以邗溝既開言之

孟子云淮注江非誤然班固言渠水入湖而不言入淮
 頗有分判撰水經者乃云淮水過淮陰縣北中瀆水出
 白馬湖東北注之酈道元遂以此水直至山陽口入淮
 而其說牢不可破矣竊疑高郵寶應地勢最卑若釜底
 然邪溝首受江水東北流至射陽湖而止杜預云自射
 陽西北至末口入淮此不過言由江達淮之糧道耳路
 可通淮而水不通淮也水經殆不如地志之確今按江
 淮自吳闕邪溝以後水流逕通但與隋人所開有順逆
 之分胡氏云路可通淮水不通淮語自永和中江都水斷
 亦有病末口今注疏本作宋口非是

其水上承歐陽
全氏曰胡三省曰江淮之間地名歐陽見于史者非一處吳喜使蕭道成留軍歐陽在淮陰界裴邃拒長孫稚欲營歐陽則在壽春境上蕭正美為侯景柵歐陽斷援軍在今真州界邪溝之所承也而會稽郡烏程縣亦有歐陽
 引江入埭六十里至廣陵城楚漢之間為東陽郡高祖六年為荆國十一年為吳城即吳王

渾所築也景帝四年更名江都武帝元狩三年更曰廣

陵王莽更名郡曰江平縣曰安定城東水上有梁謂之
 洛橋中瀆水自廣陵北出武廣湖東陸陽湖西二湖東
 西相直五里水出其間下注樊梁湖舊道東北出至博
 芝射陽二湖西北出夾耶乃至山陽矣至永和中患湖
 道多風陳敏因穿樊梁湖北口下注津湖一清按魏書蔣濟傳作精
湖湖在今山陽逕渡渡十二里方達北口直至夾耶興寧中復
 以津湖多風又自湖之南口浴東岸二十里穿渠入北
 口自後行者不復由湖故蔣濟三州論曰一清按蔣子通作三州論
本詩人淮有三洲之義言水淺也淮湖紆遠水陸異路山陽不通陳敏
 穿溝更鑿白馬瀨百里渡湖者也自廣陵出山陽白馬

湖逕山陽城西即射陽縣之故城也應劭曰在射水之

陽漢高祖六年封楚左令尹項纏一清按師古曰即項伯為侯國

也王莽更之曰監淮亭世祖建武十五年封子荆為山

陽公治此十七年為王國一清按方輿紀要淮安府山陽縣下云漢臨淮郡射陽縣

地後漢屬廣陵郡晉義熙中置縣為山陽郡治以境內

有山陽津而名又云山陽瀆在淮安府城東古邗溝也

其入淮處謂之末口後漢書山陽王荆光武帝子初封

山陽公進爵為王後以西羌反徙封廣陵曰廣陵思王

也荆封本不在淮南酈氏蓋以廣陵地近致誤而不知

山陽郡縣之名起于典午潛邱劄記曰後漢河內郡有

山陽縣又山陽郡治昌邑荆封或郡或邑不可定唯其

為金鄉之山陽或河內之山陽方以西羌有警徙居東

南廣陵若如今山陽去廣陵三百里耳何取乎其徙封

一清按范史廣陵思王傳荆以飛書事顯宗遣其出止

河南宮是未嘗就國也時西羌反荆不得志冀天下有

變私迎能星者與之謀議帝聞之乃徙封廣陵遣之國

蓋荆潛居京邸包藏禍心是以屏之遠方以絕其邪謀

東京皇子皆封郡王則似金鄉之山陽為是酈氏言之

未明遂啓後城本北中郎將庾希所鎮中瀆水又東謂

人之惑爾

之山陽浦又東入淮謂之山陽口者也

又東兩小水流注之

淮水左逕泗水國南故東海郡也徐廣史記音義曰泗

水國名漢武帝元鼎三年初置都鄉四年封常山憲王

子思王商為國沈氏曰漢志云元鼎四年別為泗水國而表作二年封已自不合是注又復參

差史記漢興以來將相名臣年表商以四年封則志是

而表非也又泗水國無郊縣其都即凌縣善長亦誤

地理志曰王莽更泗水郡為順水凌縣為生麥凌水注

之水出凌縣東流逕其縣故城東而東南流注於淮是

曰淩口也應劭曰淩水出縣西南入淮即經之所謂小水者也

又東至廣陵淮浦縣入於海禹貢錐指曰淮浦漢屬臨淮郡其故城在今淮安府安東

縣西地理志云淮水至淮陵入海註疏本訛為睢陵唯水經云至淮浦縣入海又曰淮陵故城在今盱眙縣西入十

五里此地距海甚遙淮何得于縣界入海也淮陰乃淮陰之訛又云淮陰去海一百四五十里而志云淮陰入海者

亦猶江都去海甚遠而蒯氏道下云江水東南至江都入海不言海陵也全氏曰東樵之言非也地志以淮水之入

海系之淮陵而以淮水所分之游水經其實一也說者謂盱言淮浦以游水即淮水也漢志水經其游水經則但

盱去海尚遠不知淮水至此而止其東即枝分之游水故班固曰淮陵也何得改曰淮陰乎一清按山海經海內東

經淮水出餘山餘山在朝陽東義鄉西入海淮浦北與水經應

應劭曰淮涯也蓋臨側淮濱故受此名淮水出縣故城

東王莽更名之曰淮敬淮水于縣枝分北為游水歷胸

縣與沭合又逕胸山西山側有胸縣故城秦始皇三十

五年于胸縣立石海上以為秦之東門一清按漢志云

上以為東門闕古今註云闕觀也說文云門觀也蓋古象魏之制秦皇立石海上狀如宮門之闕也史記始皇

紀云立石東海上胸縣界中崔琰述初賦曰倚高艫以以為秦東門据此是無闕字

周昞兮觀秦門之將將者也東北海中有大州謂之郁

州山海經所謂郁山一清按今本山在海中者也言是

山自蒼梧徙此云山上猶有南方草木今郁州治故崔

季珪之敘述初賦言郁州者故蒼梧之山也心悅而怪

之聞其上有仙士石室也乃往觀焉見一道人獨處休

休然不談不對顧非已及也即其賦所云吾夕濟于郁

州者也一清按寰宇記東海縣下引水經注曰胸縣東北海中有大州謂之郁州有道者學徒十人游

于蒼梧鬱州之上數百年皆得至道其山自蒼梧徙至東海上今猶有南方草木生焉故崔琰述初賦曰郁州

者故蒼梧之山也古老傳言此島人皆先是麋家之隸今存牛欄一村舊是麋家莊牧猶枯祭之呼曰麋郎臨

祭之日必著犁鐸執耕鞭又言初娶婦者必游水又北先見麋郎否則為祟此等文句今皆缺失矣

逕東海利成縣故城之東故利鄉也漢武帝元朔四年

封城陽共王子嬰為侯國王莽更之曰流泉游水又北

歷羽山西地理志曰羽山在祝其縣東南尚書曰堯時

曰全氏曰時日二字當作疇咨之誤四岳得舜進十六族殛鯀于羽山

是為檣杌與驩兜三苗共工同其罪故世謂之四凶鯀

既死其神化為黃龍全氏曰按晉語作黃龍能韋昭注云能似熊宋庠云能乃來反汲冢晉

春秋又作朱羆若黃龍則入于羽淵是為夏郊三代祀見于山海經郭注之開筮

之故連山易曰有崇伯鯀伏于羽山之野者是也游水

又北逕祝其縣故城西春秋經書夏公會齊侯于夾谷

左傳定公十年公及齊平會于祝其實夾谷也服虔曰

地二名王莽更之曰猶亭縣之東有夾口浦游水左逕

瑯琊計斤縣故城之西一清按計斤縣杜預謂之計基城樂史云即左傳所謂介根城

皆音之轉耳地理志曰莒子始起于此後徙莒有鹽官故世

謂之南莒也游水又東北逕贛榆縣北東側巨海有秦

始皇碑在山上去年海一百五十步潮水至加其上三丈

水經注釋 卷三十 東潛趙氏定本

去則三尺所見東北傾石長一丈八尺廣五尺厚三尺
 八寸一行一十二字游水又東北逕紀鄆故城南春秋
 昭公十九年齊伐莒莒子奔紀鄆莒之婦人怒莒子之
 害其夫老而託紡焉取其纒而夜緹緹絕鼓譟城上人
 亦譟莒共公懼啓西門而出齊遂入紀故紀子帛之國
 穀梁傳曰吾伯姬歸于紀者也杜預曰紀鄆地二名東
 海贛榆縣東北有故紀城卽此城也游水東北入海舊
 吳之燕岱常泛巨海憚其濤險更沿溯是瀆由是出地
 理志曰游水自淮浦北入海爾雅曰淮別爲潕游水亦
 枝稱者也

水經注釋卷三十終

水經注釋卷三十一

仁和趙一清誠夫錄

澧水

涓水

瀝水

濯水

瀨水

濩水

湏水

澧水出南陽魯陽縣西之堯山

全氏曰按左傳云楚子上與晉師夾泚而軍杜預曰

泚水出魯陽縣東經襄城定陵入汝即澧水也蓋音同字異耳

堯之末孫劉累以龍食帝孔甲孔甲又求之不得累懼

而遷于魯縣立堯祠于西山謂之堯山故張衡南都賦

曰奉先帝而追孝立唐祠于堯山堯山在太和川太和

城東北澧水出焉張衡南都賦曰其川瀆則澧澧灤澹

發源巖穴布濩漫汗漉沆洋溢總括急趣箭馳風疾者也
 也澧水又歷太和川東逕小和川又東溫泉水注之水
 出北山阜七源竒發炎熱特甚鬪駟曰縣有湯水可以
 療疾矣湯側又有寒泉焉地勢不殊而炎涼異致雖隆
 火盛日肅若冰谷矣渾流同谿南注澧水又東逕胡木
 山東流又會溫泉口水出北山阜炎勢竒毒痾疾之徒
 無能澡其衝漂救養者咸去湯十許步別池然後可入
 湯側有石銘云皇女湯可以療萬疾者也故杜彥達云
 然如沸湯可以熟米飲之愈百病道士清身沐浴一日
 三飲多少自在四十日後身中萬病愈三蟲死學道遭

難逢危終無悔心可以牢神存志卽南都賦所謂湯谷
 湧其後者也然宛縣有紫山山東有一水東西十五里
 南北二百步湛然沖滿無所通會冬夏長溫世亦謂之

湯谷也非魯陽及南陽之縣故也

一清按漢志宛魯陽俱屬南陽郡何以云

非魯陽及南陽之縣殊不可解酈蓋以宛有湯谷魯陽亦有之南都賦所云是宛之湯谷非魯陽之湯水西京南陽治宛而王莽更宛曰南陽故亦或有直稱宛爲南陽之縣也然文義特晦張平子廣言土

地所苞明非此矣澧水又東房陽川水注之水出南陽
 雒縣西房陽川北流注于澧澧水之北有積石焉世謂

女靈山其山平地介立不連岡以成高峻石孤峙不托
 勢以自遠四面壁絕極能靈舉遠望亭亭狀若單楹插

霄矣北面有如頽落劣得通步好事者時有扳陟耳滙
 水又與波水合水出霍陽西川大嶺東谷俗謂之歇馬
 嶺川曰廣陽川非也即應劭所謂孤山波水所出也馬
 融廣成頌曰浸以波澁其水又南逕蠻城下蓋蠻別邑
 也俗謂之麻城非也波水又南分三川于白亭東而俱
 南入滙水滙水自下兼波水之通稱也是故鬪駟有東
 北至定陵入汝之文全氏曰周禮豫州其川滎洛其浸
 波以滎波之波當之後人或疑其非而以爾雅洛出為
 波之波當之不知滎洛既為川矣不應復以其支流為
 浸也波水自當以出霍陽由滙入汝之波為是此可補入周禮注中
 故城南城即劉累之故邑也有魯山縣居其陽故因名

焉王莽之魯山也

一清按今漢志無此文

昔在于楚文子守之與

韓構難戰有反景之誠內有南陽都鄉正衛為碑隸釋

隸釋曰 隴繩正衛彈碑水經作衛為靈帝中平二年立在汝州

有南陽都鄉正衛彈碑此則其一也趙氏誤認衛為

街遂云莫曉其為何碑予考其文則縣令寧陵君承昆

陽喪亂之餘愍絲役之害結單言府班董科例收其舊

直臨時募顧不煩居民太守東郡王瓌丞濟陰華林優

郵民隱為之立約自是之後吏無苛擾之煩野無愁痛

之聲其大略如此又云因民所利斯所謂惠康之策又

有輕賦斂及役艱苦之語頌則美其輕賦均約蓋是紀

述守令絲役條教也前書食貨志月為更卒已復為正
 注云更卒謂給郡縣一月而更者正卒謂給中都官者
 衛宏漢官舊儀民年二十三為正一歲為衛士一歲為
 材官習射御騎馳戰陣又云民給正衛材官年五十六
 老衰乃得免為民酸棗令劉熊碑云愍念蒸民勞苦不
 均為作正彈造設門更此云都鄉正衛彈者與劉君碑
 同困學紀聞曰周禮里宰以歲時合耦于耒注云耒者

里宰治處也若今街彈之室于此合耦使佐助疏謂漢
 時在街置室檢彈一里之民金石錄有中平二年正月
 都鄉正街彈碑在昆陽城中趙明誠失于攷禮注而酈
 道元注水經洪氏隸釋皆以街為衛又誤矣漢書食貨
 志言古制云春將出民里胥平旦坐于右塾鄰長坐于
 左塾畢出然後歸夕亦如之里胥之塾其即里宰所謂
 耒耜者與續金石錄云周禮里宰合耦于耒鄭元謂耦者
 一里之民于此水經建寧三年改新豐為都鄉而百官
 志凡州所監為都鄉則無地名封爵有都鄉侯在關內侯
 鄉曰某鄉而都鄉則無地名封爵有都鄉侯在關內侯
 之上正者漢官舊儀云民年二十三為正一歲以為衛
 士一歲為材官騎士前漢食貨志月為更卒已復為正
 師古曰更卒給郡縣一月而更正卒為給中都官者此
 都鄉之正也周禮于耒合耦以勸農漢人于街彈之室
 糾彈不法昆陽當亂喪之餘徭役煩苦郡守縣令班董
 科條收其舊直臨時顧募不煩居民立碑于街彈公所
 以頌其德也洪氏云趙氏誤認衛字為街改名街彈碑
 亦引衛宏漢官舊儀為證無論街彈見于註疏若衛士
 乃正卒一歲以後所遷之名又一歲為材官騎士百官

志註云凡八月都尉令長相丞尉課試殿最非若正卒
 亭長之所得糾彈也况去士字似不成語予意仍題街
 彈為得洪氏碑目云水經作衛為趙作街彈按水經魯
 陽縣有南陽都鄉正衛為碑衛為似人姓名在魯陽非
 昆陽也如以衛字屬之上文則為碑二字題額又何說
 乎又引劉熊碑愍念烝民勞苦不均為作正彈按三國
 志吳張淑為司直表正彈曲二十人專司不法與劉碑
 之正彈同非此碑之正係卒夫之名也况洪之所辨乃
 衛字若引劉碑則正彈連合又何關涉乎庾林曰水經
 注魯陽縣有南陽都鄉正衛為碑平氏縣有南陽都鄉
 正衛彈勸碑衛之與街豈可強傳者按鄭元駁許慎異
 義曰周禮六十十五皆征之使為胥徒給公家之事如
 今之正衛耳又張晏漢書注曰監門里正衛也正衛自
 是漢魏微官秩若封人仕同里宰不得以解街彈之室
 也
 滎水右合魯陽關水水出魯陽關外分頭山橫嶺下
 夾谷東北出入滎滎水又東北合牛蘭水水發縣北牛
 蘭山東南逕魯陽城東水側有漢陽侯焦立碑牛蘭水

又東南與柏樹溪水合水出魯山北峽谷中東南流逕
 魯山西而南合牛蘭水又東南逕魯山南闕駟曰魯陽
 縣今其地魯山是也水南注于滄滄水東逕應城南故
 應鄉也應侯之國詩所謂應侯順德者也彭水注之俗
 謂之小滄水水出魯陽縣南彭山蟻塢東麓北流逕彭
 山西下有彭山廟廟前有彭山碑漢桓帝元嘉三年杜
 仲長立一清按范史桓帝紀元嘉紀元僅二年至明年
 夏五月改元曰永興不得云三年也或碑以春
 立在未改元之先此彭水逕其西北漢安邑長尹儉墓
 與成陽靈臺碑正同東冢西有石廟廟前有兩石闕闕東有碑闕南有二獅
 子相對南有石碣二枚石柱西南有兩石羊中平四年

立彭水又東北流直應城南而入滄滄水又左合橋水
 水出魯陽縣北特山東南逕應山北又南逕應城西地
 理志曰故父城縣之應鄉也周武王封其弟為侯國應
 劭曰韓詩外傳稱周成王與弟戲以桐葉為圭曰吾以
 封汝周公曰天子無戲言王乃應時而封故曰應侯鄉
 亦曰應鄉按呂氏春秋云成王以桐葉為圭封叔虞非
 應侯也汲郡古文殷時已有應國非成王矣一清按呂
 氏春秋以
下是臣瓚說見漢志注師古曰武王之弟自封應國非
 桐圭之事應氏之說蓋失之焉又據左氏傳云邾晉應
 韓武之穆也則應侯武
 王之弟又與志說不同戰國范雎所封邑也謂之應水
 滄水又東逕犇縣故城北左傳昭公元年冬楚公子圍

使伯州犁城犇是也出于魚齒山下春秋襄公十八年
 楚伐鄭次于魚陵涉于魚齒之下甚雨楚師多凍徒役
 幾盡晉人聞有楚師師曠曰不害吾驟歌北風又歌南
 風南風不競多死聲楚必無功矣所涉即滹水也水南
 有漢中常侍長樂太僕吉成侯州苞冢冢前有碑墓西
 枕岡城開四門門有兩石獸墳傾墓毀碑獸淪移人有
 掘出一獸猶全不破甚高壯頭去地減一丈許作制甚
 工左膊上刻作辟邪字門表塹上起石橋歷時不毀其
 碑云六帝四后是謬是誣蓋仕自安帝没于桓后于時
 閹閹擅權五侯暴世割剝公私以事生死夫封者表有

德碑者頌有功自非此徒何用許為石至于春不若速

朽苞墓萬古祇彰誚辱嗚呼愚亦甚矣金石錄跋尾曰

名字已殘闕其額題云漢故中常侍長樂太僕吉成侯
 州君之銘輔姓名見范氏後漢書宦者傳以定策立桓
 帝與曹騰等七人同時封為亭侯今此碑載當時詔書
 有云其封輔為葉吉成侯以此知其名輔而酈道元注
 水經云滹水南有漢中常侍長樂太僕吉成侯州苞冢
 冢前有碑其辭云六帝四后是謬是誣今驗其詔文實
 有此語獨以輔為苞蓋水經之誤當取漢史及此碑為
 正一清按輔碑載隸釋其碑闕姓與字輔字無殘闕趙
 德甫云名字殘闕蓋揚本未善耳碑文云特以才明敏
 達拜小黃門遷事和熹后孝安思皇后時為大宮令孝
 順皇帝踐祚復拜小黃門遷臧府令當拜中常侍讓與
 同郡錡在後以病孫位起家復拜謁者令中尚方令遷
 中常侍遭順帝棄天下扶佐孝沖孝質帝兼領黃門令
 順烈皇后攝政拜長樂太僕遭孝質無嗣乃定冊帷幕
 援立聖主有定社稷之勲建和二年七月己巳封為葉
 吉成侯和平中復拜大長秋永壽二年十二月丙子薨

其銘詞所謂六帝四后是諡是諷者也洪氏曰葉吉成者葉縣之吉成亭也又碑陰有故京兆尹延篤叔堅名字洪氏曰州輔碑目自漢陽太守而下四十有九人其人稱邑曰冠軍曰宛曰章陵曰新野曰比陽曰魯陽皆南陽之邑餘人惟延篤有傳乃南陽人則不稱邑者南陽之人也碑云鄉人姻族相與刊石則又知輔為犍縣人也又金石錄跋尾云余初得州君墓碑又覽水經所載意此字猶存會故人董之明守官汝潁間因託訪求之特以見寄其一辟邪道元所見也其一乃天祿字差大皆完好可喜之明又云天祿近歲為村民所毀辟邪雖存然字畫已殘闕難辨滄水又東犍水注之俗謂之秋水非也水

有二源東源出其縣西南踐犢山東崖下水方五十許步不測其深東北流逕犍縣南又東北屈逕其縣東而北合西流水西源出縣西南頗山北阜下東北逕犍城北西又屈逕其縣北東合二水亂流北注于滄漢高祖入

關破南陽太守呂齧于犍東即于是地滄水之陰也滄水又東南逕昆陽縣故城北昔漢光武與王尋王邑戰于昆陽敗之走者相騰踐奔殪百餘里會大雨如注滄川盛溢虎豹皆股戰士卒爭赴溺死者以萬數水為不流王邑嚴尤陳茂輕騎皆乘尸而渡矣

東北過潁川定陵縣西北又東過鄆縣南東入于汝
滄水東逕西不羹亭南亭北背汝水于定陵城北東入汝鄆縣在南不得過

清水出宏農盧氏縣攻離山東南過南陽西鄂縣西北又東過宛縣南一清按漢志宏農郡盧氏縣下云熊耳山右有育水南至順陽入沔考鄆注以均水當之

其出宏農盧氏縣攻離山之滎水方輿紀要云俗名白河
逕內鄉縣東境又東南流至南陽府城東繞城南達于新
野縣府境諸水悉會焉又南至光化縣東北又東逕故鄧
城東南而入于漢水地理志亦云南陽鄧縣有水出西北
南入漢與道元注正同二水源流既不相
甚遠而名稱又復相似故詳辨之如此

清水導源宏農東流逕鄧縣故城北郭仲產曰鄧縣故

城在攻離山東鄧舊縣也三倉曰樊鄧鄧鄧有二城北

鄧也漢祖入關下浙鄧即此縣也清水又東南流歷雒

縣之雒衡山東逕百章郭北又東魯陽關水注之水出

魯陽縣南分水嶺南水自嶺南流北水從嶺北注故世

俗謂此嶺為分頭也其水南流逕魯陽關左右連山插

漢秀木干雲是以張景陽詩云朝登魯陽關峽路峭且

深亦司馬芝與母遇賊處也關水歷雒衡山西南逕皇

后城西建武元年世祖遣侍中傅俊持節迎光烈皇后

于滎陽俊發兵三百餘人宿衛皇后道路歸京師蓋稅

舍所在故城得其名矣山有石室甚飾潔相傳名皇后

浴室又所幸也關水又西南逕雒縣故城南昔秦文公

之世有伯陽者逢二童曰吾曰被兩童二雒也得雌者

霸雄者王二童翻飛化為雙雒一清按史記索隱引列

以獻之道遇二童子云此名為雒在地下食死人腦乃言曰彼童子名陳寶得雒者王得雌者霸宋書符瑞

志媚作猥晏公類要引此注是吾與光武獲雒於此山

被乃兩童子名可與郊祀志互證縣師古曰舊讀雒音弋

以為中興之祥故置縣以名焉清按漢志南陽郡雒

爾反而太康地志云卽陳倉人所逐二童子名寶雞者
雌止陳倉爲石雄止此縣故名雒縣疑不可據也顏說
是也蓋雒縣西京已有之是注云光武
中興置縣亦非搜神記以爲秦縣得之
關水又屈而東

南流注于涓涓水又東南流逕博望縣故城東郭仲產

曰在郡東北一百二十里漢武帝置校尉張騫隨大將

軍衛青西征爲軍前導相望水草得以不乏元光六年

封騫爲侯國地理志曰南陽有博望縣王莽改之曰宜

樂也涓水又東南逕西鄂縣故城東應劭曰江夏有鄂

故加西也昔劉表之攻杜子緒於西鄂也功曹柏孝長

聞戰鼓之音懼而閉戶蒙被自覆漸登城而觀言勇可

習也涓水又南洱水注之水出宏農郡盧氏縣之熊耳

山東南逕酈縣北東南逕房陽城北漢哀帝四年封南

陽太守孫寵爲侯國一清按漢表作方陽云在龍亢俗謂之房陽川又

逕西鄂縣南水北有張平子墓墓之東側墳有平子碑

文字悉是古文篆額是崔瑗之辭盛宏之郭仲產並云

夏侯孝若爲郡薄其文復刊碑陰爲銘然碑陰二銘乃

是崔子玉及陳翁耳而非孝若悉是隸字二首並存嘗

無毀壞又言墓次有二碑今唯見一碑或是余夏景驛

途疲而莫究矣一清按隸釋跋曰世所傳凡百君子者卽平子篆碑其石已中斷合向城後碑

始能成文此刻有夏侯湛姓名而云書之碑側蓋酈氏

考之不詳又金石文有河間相張平子碑具載其辭趙
明誠金石錄亦有之此卽崔瑗之作隸釋載
孝若之文而略子玉之撰蓋搜錄之漏也
水南道側

有二石樓相去六七丈雙峙齊竦高可丈七八柱圓圍
 二丈有餘石質青綠光可以鑿其上爨櫨承棋雕簷四
 柱窮巧綺刻妙絕人工題言蜀郡太守姓王字子雅南
 陽西鄂人一清按樂史云是北齊時人恐非有三女無男而家累千金
 父沒當葬女自相謂曰先君生我姊妹無男兄弟今當
 安神元宅翳靈后土冥冥絕後何以彰吾君之德各出
 錢五百萬一女築墓二女建樓以表孝思銘云墓樓東
 平林下近墳墓而不能測其處所矣泝水又東南流注于
 清水世謂之肄水肄泝聲相近非也地理志曰熊耳之
 山出三水泝水其一焉東南至魯陽入沔是也一清按三水謂

伊水清水即水經之均水也又有泝水漢志云過郡二
 行六百里師古曰泝音耳過郡二謂宏農及南陽也

泝水又南逕預山東山上有神廟俗名之為獨山也山
 南有魏車騎將軍黃權夫妻二冢地道潛通其冢前有四
 碑其二魏明帝立二是其子及臣吏所樹者也泝水又
 西南逕史定伯碑南又西為瓜里津水上有三梁謂之
 瓜里渡自宛道塗東出赭陽西道方城建武三年世祖
 自赭陽西入破虜將軍鄧奉怨漢掠新野拒瓜里上親
 搏戰降之夕陽下遂斬奉郡國志所謂宛有瓜里津夕
 陽聚者也阻橋即桓温故壘處温以升平五年與范汪
 衆軍北討列營泝水又西南逕晉蜀郡太守鄧義山墓

南又南逕宛城東其地故申伯之都楚文王滅申以為縣也秦昭襄王使白起為將伐楚取郢即以此地為南陽郡改縣曰宛王莽更名郡曰前隊縣曰南陽劉善曰在中國之南而居陽地故以為名大城西南隅即古宛城也荊州刺史治故亦謂之荊州城今南陽郡治大城其東城內有舊殿基周二百步高八尺陛階皆砌以青石大城西北隅有殿基周一百步高五尺蓋更始所起也城西三里有古臺高五丈餘文帝黃初中南巡行所築也清水又屈而逕其縣南故南都賦所言清水蕩其胸者也王莽地皇二年朱鮪等共於城南會諸將設壇

燔燎立聖公為天子於斯水上世語曰張繡反公與戰敗子昂不能騎進馬於公而昂遇害魏書曰公南征至宛臨涓水祠陣亡將士歔歔流涕眾皆哀慟涓水又南梅谿水注之水出縣北紫山南逕百里奚故宅奚宛人也於秦為賢大夫所謂逃虞智秦者也梅谿又逕宛西呂城東史記曰呂尙先祖為四嶽佐禹治水有功虞夏之際受封於呂故因氏為呂尙也徐廣史記音義曰呂在宛縣高后四年封昆弟子呂忿為呂城侯疑即此也又按新蔡縣有大呂小呂亭而未知所是也梅谿又南逕杜衍縣東故城在西漢高帝七年封郎中王翳為侯

國王莽更之曰閩衍矣土地墊下湍谿是注古人於安
 衆場之今遊水是瀦謂之安衆港世祖建武三年上自
 宛遣潁陽侯祭遵西擊鄧奉弟終破之於杜衍進兵涅
 陽者也梅谿又南謂之石橋水又謂之汝谿合流而左
 注清水清水之南又有南就聚郡國志所謂南陽宛縣
 有南就聚者也郭仲產言宛城南三十里有一城甚卑
 小相承名三公城漢時鄧禹等歸鄉餞離處也盛宏之
 著荊州記以為三公置余案清水左右舊有二瀝所謂
 南瀝北瀝者水側之瀆一清按漢志南陽郡宛有北瀝
 山育陽有南瀝聚諸儒或以為
 邑或以為地或以為水際及邊地名而班固以為山聚在消陽之東北考古推地

則近矣城側有范蠡祠蠡宛人祠即故宅也後漢末有
 范魯字子閔為大將軍司馬討黃巾賊至此祠為蠡立
 碑文勒可尋夏侯湛之為南陽又為立廟焉城東有大
 將軍何進故宅城西有孔嵩舊居嵩字仲山宛人與山
 陽范式有斷金契貧無養親賃為阿街卒一清按阿街
 卒古之所謂
騶唱唐人謂之籠街喝道阿與呵通用而范史范式
 傳作阿里街卒章懷注云阿里里名也是又不同遣
 迎式式下車把臂曰子懷道卒伍不亦痛乎嵩曰侯羸
 賤役晨門卑下之位古人所不恥何痛之有故其讚曰
 仲山通達卷舒無方屈身廝役挺秀含芳

又屈南過消陽縣東

涓水又南入縣逕小長安司馬彪郡國志曰縣有小長安聚謝沈後漢書稱光武攻涓陽不下引兵欲攻宛至小長安與甄阜戰敗於此涓水又西南逕其縣故城南桓帝延熹七年封鄧康為侯國沈氏曰康封泚陽縣故其弟秉封涓陽南陽典農治後以為涓陽郡省郡復縣避晉簡文諱更名云陽焉涓水又逕安樂郡北漢桓帝建和六年封司徒胡廣為涓陽縣安樂鄉侯沈氏曰是元年今於其國立樂宅戍郭仲產襄陽記曰南陽城南九十里有晉尙書令樂廣故宅廣字彥輔也善清言見重當時成都王廣女壻長沙王猜之廣曰寧以一女而易五男猶疑之終以憂

殞其故居今置戍因以為名

又南過新野縣西

涓水又南入新野縣枝津分派東南出陘衍苞注左積為陂東西九里南北一十五里陂水所漑咸為良沃涓水又南與湍水會又南逕新野縣故城西世祖之敗小長安也姊元遇害上即位感悼姊沒追謚元為新野節義長公主即此邑也晉咸寧二年封大司馬扶風武王

少子歆為新野郡公割南陽伍屬棘陽蔡陽穰鄧山都

封焉王文舒更立中隔

一清按下有脫文三國志魏書王昶傳昶以為國有常眾戰無

常勝地有常險守無常勢今屯宛去襄陽三百餘里諸軍散屯船在宣池有急不足相赴乃表徙治新野文舒

昶字此卽更立之事也

西卽郡治東則民居城西傍清水又東與

朝水合水出西北赤石山而東南逕冠軍縣界地名沙

渠又東南逕穰縣故城南楚別邑也秦拔鄢郢卽以爲

縣秦昭王封相魏冉爲侯邑王莽更名曰農穰也魏荆

州刺史治朝水又東南分爲二水一水枝分東北爲樊

氏陂陂東西十里南北五里俗謂之凡亭陂陂東有樊

氏故宅樊氏旣滅庾氏取其陂故嗙曰陂汪汪下田良

樊子失業庾公昌昔在晉世杜預繼信臣之業復六門

之陂遏六門之水

一清按信臣所開者只石碣耳至元始五年更開三門爲六石門今注云

云直以六門皆信臣所開矣誤也

下結二十九陂諸陂散流咸入朝水

事見六門碑六門旣陂諸陂遂斷朝水又東逕朝陽縣

故城北而東南注于清水又東南與棘水合水上承赭

水赭水出赭陽縣北山數源竝發南流逕小赭鄉謂之

小赭水世祖建武三年成安侯臧宮從上擊赭鄉東源

方七八步騰湧若沸故世名之騰沸水南流逕于赭鄉

謂之赭水建武二年祭遵引兵南擊董訢於赭鄉以水

氏縣故有赭陽之名也地理志曰縣有赭水

一清按今漢志無是

文王莽曰陽城也漢哀帝改爲順陽

全氏曰按漢志云博山哀帝置故順

陽非赭陽也道元于均水篇已言之矣

建武二年更封安陽侯朱祐爲赭

陽侯赭水於縣竭以爲陂東西夾岡水相去五六里右

合斷岡兩舌都水潭漲南北一十餘里水決南瀆下注
為灣灣分為二西為赭水東為滎源赭水參差流結兩
湖故有東陂西陂之名二陂所導其水枝分東南至會
口入泚是以地理志云泚水赭水皆言入蔡全氏曰按漢志無赭
水入蔡語即泚水互受通稱故也二湖流注合為黃水
唯所受焉逕棘陽縣之黃淳聚又謂之為黃淳水者也
謝沈後漢書甄阜等敗光武于小長安東乘勝南渡黃
淳水前營背阻兩川謂臨泚水絕後橋示無還心漢兵
擊之二軍潰溺死黃淳水者二萬人又南逕棘陽縣故
城西應劭曰縣在棘水之陽是知斯水為棘水也漢高

帝七年封杜得臣為侯國後漢兵起擊唐子鄉殺湖陽
尉進拔棘陽鄧晨將賓客會光武于此縣也棘水又南
逕新野縣歷黃郵聚世祖建武三年傅俊岑彭進擊秦
豐先拔黃郵者也謂之黃郵水大司馬吳漢破秦豐於
斯水之上其聚落悉為蠻居猶名之為黃郵蠻棘水自
新野縣東而南流入于清水謂之為力口也棘力聲相
近當為棘口也又是方俗之音故字從讀變若世以棘
子木為力子木也清水又東南逕士林東戍名也戍有
邸閣水左有豫章大陂下灌良疇三千許頃也

又西過鄧縣東

縣故鄧侯吾離之國也楚文王滅之秦以為縣涓水右合濁水俗謂之弱溝水水上承白水於朝陽縣東南流逕鄧縣故城南習鑿齒襄陽記曰楚王至鄧之濁水去襄陽二十里即此水也濁水又東逕鄧塞南即鄧城東南小山也先後名之為鄧塞昔孫文臺破黃祖於其下濁水東流注于涓涓水又南逕鄧塞東又逕鄧城東古鄧子國也蓋鄧之南鄙也昔巴子請楚與鄧為好鄧人奪其幣即是邑也司馬彪以為鄧之鄧聚矣

南入于沔

灑水出灑強縣南澤中東入潁

灑水出潁川陽城縣少室山東流注于潁水而亂流東南逕臨潁縣西北小灑水出焉東逕臨潁縣故城北灑水又東逕灑陽城北又東逕灑強縣故城南建武元年

世祖封揚化將軍堅鐔為侯國沈氏曰据本傳是二年灑水東為

陶樞陂余按灑陽城在灑水南然則此城正應為灑陰城而有灑陽之名者明在南猶有灑水故此城以陽為名矣潁水之南有二瀆其南瀆東南流歷臨潁亭西東南入汝今無水也疑即灑水之故瀆矣汝水於奇額城西別東派時人謂之大灑水東北流枝瀆右出世謂之死汝也別汝又東北逕召陵城北練溝出焉別汝又東

汾溝出焉別汝又東逕征羌城北水南有汾陂俗音糞
一清按三字注中注汾水自別汝東注而為此陂水積征羌城北
 四五里方三十里許瀆左合小灑水水上承狼陂南流
 名曰鞏水青陵陂水自陂東注之東迴又謂之小灑水
 而南流注于大灑水大灑水取稱蓋藉灑沿注而總受
 其目矣又東逕西華縣故城南又東逕汝陽縣故城北
 東注于潁

濯水出汝南吳房縣西北奧山東過其縣北入于汝
 縣西北有堂谿城故房子國春秋定公五年吳王闔閭
 弟夫概奔楚封之於堂谿故曰吳房也漢高帝八年封

莊侯楊武為侯國建武中世祖封泗水王歙子燁為堂

谿侯一清按章懷後漢書注曰燁字山谿有白羊淵淵

水舊出白羊漢武帝元封二年白羊出此淵畜牧者禱
 祀之俗禁拍手嘗有羊出水野母驚扑自此絕焉淵水

下合濯水濯水東逕濯陽縣故城西東流入瀕水亂流

逕其縣南世祖建武元年封吳漢孫旦為侯國沈氏曰

孫皆以建武二十八年封吳旦吳玠吳玠其水又東入于汝

水吳國也而水經注皆以為元年誤矣

瀕水出無陰縣東上界山水出西南大嶽之山

山海經謂之視水也郭景純注或曰視宜為瀕出歲山

許慎云出中陽山

一清按漢志作中陰山方輿紀要云中陽山在唐縣東七十里一名慈邱

山隋因此置慈邱縣

皆山之殊目也而東與泌水合水出灤陰縣

旱山東北流注觀水又東北殺水出西南大熱之山

東北流入于觀水又東淪水注之水出宣山東南流

注觀水觀水又東得奧水口水西出奧山東入于觀水

也合灑水與水東灑水與水西灑水與水

東過吳房縣南又東過灑陽縣南

應劭曰灑水出吳房縣東入觀縣之西北即兩川之交

會也

又東過上蔡縣南東入汝

灤水出灤陰縣西北扶子山東過其縣南山

志曰葉音山全凡曰

山海經曰朝歌之山灤水出焉東南流注于滎經書扶

子者其山之異名乎滎水上承赭水東流左與西遼水

合又東東遼水注之俱導北山而南流注于滎滎水又

東北於灤陰縣北左會灤水之道稍西不出其縣南其

故城在山之陽漢光武建武中封岑彭為侯國漢以為

陽山縣

一清按是句文義未詳

魏武與張繡戰于宛馬名絕景為

流矢所中公傷右臂引還灤陰即是地也城之東有馬

仁陂郭仲產曰陂在泚陽縣五十里蓋地百頃其所周

溉田萬頃隨年變種境無儉歲陂水三周其隍故瀆自

隍西南而會于泚無水不得復逕其南也且邑號無陰故無出南之理出南則為陽也非直不究又不思矣無水又東北澧水注之水出雉衡東山南逕建城東建當為卷字讀誤耳郡國志云葉縣有卷城其水又東流入于葉陂水東北逕于東山西西流入無水之左即黃城山也有谿水出黃城山東北逕方城郡國志曰葉縣有方城郭仲產曰苦菜于東之間有小城名方城東臨谿水尋此城致號之由當因山以表名也苦菜即黃城也及于東通為方城矣世謂之方城山水東流注無水故地理志曰南陽葉方城邑西有黃城山

全氏曰按漢志曰葉有長

城號曰方城未嘗云黃城也是注所引或別有一地理志一清按寰宇記引此文出聖賢冢墓記 是長

沮桀溺耦耕之所有東流水則子路問津處尸子曰楚狂接輿耕於方城蓋于此也盛宏之云葉東界有故城始犇縣東至瀕水逕泚陽界南北聯聯數百里號為方城一謂之長城云酈縣有故城一面未詳里數號為長城即此城之西隅其間相去六百里北面雖無基築皆連山相接而漢水流其南故屈完答齊桓公云楚國方城以為城漢水以為池郡國志曰葉縣有長城山曰方城指此城也無水又東北歷舞陽縣故城南漢高祖六年封樊噲為侯國也

又東過西平縣北

縣故栢國也春秋左傳所謂江黃道栢方睦於齊也漢曰西平其西呂墟卽西陵亭也西陵平夷故曰西平漢宣帝甘露三年封丞相于定國爲侯國全氏曰按本表曰臨淮莽更之曰新亭晉太康地記曰縣有龍泉水可以砥礪刀劍特堅利故有堅白之論矣是以龍泉之劍爲楚寶也縣出名金古有鐵官

又東過鄆縣南

鄆縣故城去此遠矣不得過

又東過定潁縣北東入于汝

漢安帝永初二年分汝南郡之上蔡縣置定潁縣延光中以陽翟郭鎮爲尚書令封定潁侯卽此邑也一清按鎮以誅閻景擁順帝封是永建元年不在延光年也延光乃安帝年號後漢書

澠水出蔡陽縣

澠水出縣東南大洪山山在隋郡之西南竟陵之東北磐基所跨廣圓一百餘里峰曰縣鉤處平原衆阜之中爲諸嶺之秀山下有石門夾鄣層峻巖高皆數百許仞入石門又得鍾乳穴穴上素崖壁立非人跡所及穴中多鍾乳凝膏下垂望齊冰雪微津細液滴瀝不斷幽穴潛遠行者不極窮深以穴內常有風蕪無能經久故也

澗水出于其陰初流淺狹遠乃廣厚可以浮舟楫巨川
 矣時人以澗水所導故亦謂之為澗山矣澗水東北流
 合石水石水出大洪山東北流注于澗謂之小澗水而
 亂流東北逕上唐縣故城南本蔡陽之上唐鄉舊唐侯
 國春秋定公三年唐成公如楚有兩肅霜馬子常欲之
 弗與止之三年唐人竊馬而獻之子常歸唐侯是也澗
 水又東均水注之水出大洪山東北流逕土山北水出
 土山又東北流入于澗水澗水又屈而東南流

東南過隋縣西

縣故隋國矣春秋左傳所謂漢東之國隋為大者也楚

滅之以為縣晉武帝太康中立為郡

金石文字記曰皇甫誕碑隋字作隨

虞世南孔子廟堂碑歐陽詢九成宮醴泉銘王知敬李
 衛公碑高宗李英公碑天后順陵碑于敬之華陽觀王
 先生碑裴灌少林寺碑皆然當日金石之文二字通用
 自司馬溫公作通鑑以後始壹用隋字而水經注澗水
 隨縣字作隋則知此自古人省筆之法
 謂文帝始去辵而為隋者未必然也 有澗水出縣西

北黃山南逕灃西縣西又東南灃水入焉灃水出桐柏

山之陽呂忱曰水在義陽灃水東南逕灃西縣西又東

南流入于澗澗水又東南逕隋縣故城西春秋魯莊公

四年楚武王伐隋令尹鬬祁莫敖屈重除道梁澗軍臨

于隋謂此水也水側有斷蛇邱隋侯出而見大蛇中斷

因舉而藥之故謂之斷蛇邱後蛇銜明珠報德世謂之

隋侯珠亦曰靈蛇珠邱南有隋季良大夫池朱氏謀埠箋曰左傳作季梁一清按梁良音同通用二十二卷渠水注扶溝縣袁梁碑其碑本作良是可證也其水又南

與義井水合水出隋城東南井泉嘗湧溢而津注冬夏不異相承謂之義井下流合澗澗水又南流注于澗全氏

日按澗水豫州浸康成師古皆疑其地不應在豫然職方之地犬牙相錯荊州之浸為潁則知豫之澗亦其例也澗水又會于枝水水源亦出大洪山而東流注于澗

澗水又逕隋縣南隋城山北而東南注

又南過江夏安陸縣西

隋水出隋郡永陽縣東石龍山全氏曰史記春申君說秦昭王云隋水右壤皆

廣川大水山林谿谷不食之地小司馬曰今鄧州之西也西北流南迴逕永陽縣西

歷橫尾山即禹貢之陪尾山也禹貢雖指曰傳云洛經熊耳伊經外方淮出桐

柏經陪尾今安陸北有橫山即漢志所謂橫尾山在安陸以爲陪尾者也元和志云陪尾山一名橫尾山在安陸

縣北六十里淮水曷嘗經此傳謬禹導山至陪尾蓋實爲泗水泗之與淮猶伊之與洛也水經注云博物志曰

泗出陪尾隋志泗水縣有陪尾山今在縣東五十里閻百詩云周禮保章氏疏曰外方熊耳以至泗水陪尾屬

搖光星賈公彥實從春秋緯文來則漢人早作是解博物志固有所受之也一清按酈注泗水篇既引博物志

之言是注不應又引漢志以安陸之橫尾爲陪尾豈非自相舛錯與卷末禹貢山水澤地所在亦誤隋水

又西南至安樂縣故城西故鄖城也因岡爲墉峻不假

築澗水會之又南逕石巖山北昔張昌作亂於其下籠

彩鳳以惑衆晉太安二年鎮南將軍劉宏遣牙門皮初

與張昌戰于清水昌敗追斬於江渚即春秋左傳定公

四年吳敗楚于柏舉從之及于清發蓋澗水之通稱矣
澗水又東南流而右會富水水出竟陵郡新市縣東北
大陽山水有二源也大富水出山之陽南流而左合小
富水水出山之東而南逕三王城東前漢末王匡王鳳
王常所屯故謂之三王城城中有故碑文字闕落不可
復識其水屈而西南流右合大富水俗謂之大泌水也
又西南流逕杜城西新市縣治也郡國志以爲南新市
也中山有新市故此加南分安陸立又王匡中興初舉
兵於縣號曰新市兵者也富水又東南流于安陸界左
合土山水世謂之章水水出土山南逕隋郡平林縣故

城西俗謂之將陂城與新市接界故中興之始兵有新
市平林之號又南流右入富水富水又東入于澗澗水
又逕新城南永和五年晉大司馬桓溫築澗水又會溫
水溫水出竟陵之新陽縣東澤中口徑二丈五尺垠岍
重沙端淨可愛靖以察之則淵泉如鏡聞人聲則揚湯
奮發無所復見矣其熱可以燂雞洪瀏百餘步冷若寒
泉東南流注于澗水又右得潼水水出江夏郡之曲陵
縣西北潼山東南流逕其縣南縣治石潼故城城圓而
不方東入安陸注于澗水

又東南入于夏

澗水又南分爲二水東通澗水西入于沔謂之澗口也

水經注釋卷三十一終

水經注釋卷三十二

仁和趙一清誠夫錄

澗水

澗水

澗水

澗水

澗水出泄水潭

春肥水

施水

補澗水

澗水出沮水

澗水

夏水

羌水

澗水出涪水

梓潼水

涪水

澗水出江夏平春縣西

澗水北出大義山南至厲鄉西賜水入焉水源東出大

紫山分爲二水一水西逕厲鄉南水南有童山即烈山

也山下有一穴父老相傳云是神農所生處也故禮謂

之烈山氏水北有九井子書所謂神農既誕九井自穿
謂斯水也又言汲一井則衆水動井今堙塞遺迹髣髴
存焉亦云賴鄉故賴國也有神農社賜水西南流入于
澇即厲水也賜厲聲相近宜為厲水矣一水出義鄉西
南入隋又注澇澇水又南逕隋縣注安陸也

南過安陸入于澇

澇水

夏水

美水

澇水出江夏澇春縣北山

澇水

澇水

山即澇柳也水首受希水枝津西南流歷澇山出蠻中
故以此蠻為五水蠻五水即謂澇水希水巴水也又赤
亭水西歸水蠻左馮居岨藉山川世為抄暴宋世沈慶

又之於西陽上下誅伐蠻夷即五水蠻也

南過其縣西

晉改為澇陽縣縣徙江州置大陽成後齊安郡移治於

此也

又南至澇口南入于江

澇水南對澇陽州入于大江謂之澇口州上有澇陽縣

徙

決水出廬江雩婁縣南大別山

俗名之為檀公峴蓋大別之異名也

一清按尚書正義曰地理志無大別

鄭元曰在廬江安豐縣杜預春秋注云大別不知何處或云在安豐縣西南左傳云吳既與楚夾漢然後楚乃

濟漢而陣自小別至于大別然則二別近漢之名無緣
 得在安豐如預所言雖不知其處要與內方相接漢水
 所經必在荊州界也胡渭曰按地理志六安國安豐縣
 下云禹貢大別山在西南鄭杜說所自出正義謂地志
 無大別何也又云大別山在漢陽府城東北半里漢水
 西岸水經注江水逕魯山南古翼際山也元和志魯山
 一名大別山在漢陽府東北一百步其山前枕蜀江北
 帶漢水杜元凱已知在江夏不在安豐酈氏主杜說而
 終不能指魯山為大別至唐人始能言之其水歷山委注而絡其縣也

北過其縣東

縣故吳也春秋左傳襄公二十六年楚子秦人侵吳及
 雩婁聞吳有備而還是也晉書地道記云在安豐縣之
 西南即其界也故地理志曰決水出雩婁

又北過安豐縣東

決水自雩婁縣北逕雞備亭春秋昭公二十三年吳敗
 諸侯之師于雞父者也安豐縣故城今邊城郡治也王
 莽之美風也世祖建武八年封大將軍涼州牧竇融為

侯國晉立安豐郡

一清按漢志六安國安豐縣莽曰美風今注云美風似因安風縣名而譌

續志有安豐縣又云安風侯國蓋光武以安豐陽泉蓼
 安風四縣封竇融為安豐侯其國都則治安風爰及魏
 晉之安豐郡皆治安風縣也魏收地志云邊城郡治
 麻步山領史水一縣則南北流移境土非一故治無常
 所也此與淮水注之安豐津水南有城故安
 豐都尉治之安豐蓋兩地而異名不可混也

西北流逕蓼縣故城東又逕其北漢高帝六年封孔藜

為侯國也世謂之決水也水又西北灌水注之其水導

源廬江金蘭縣西北東陵鄉大蘇山即淮水也

一清按漢志廬

江郡下云金蘭西北有東陵鄉淮水出屬揚州胡渭曰淮當作灌愚謂非也班志原是淮字道元故以之釋灌水若破淮作灌則以灌水釋灌水於義豈可通乎許慎曰出雩婁縣俗謂之澮

水也一清按說文澮是汾澮之澮而別有澮水出褚先

生所謂神龜出於江灌之間嘉林之中蓋謂此水也全

日今龜筮傳作江淮淮灌水東北逕蓼縣故城西而北

注決水也故地理志曰決水北注蓼入淮灌水於蓼亦

入決一清按漢志廬江郡雩婁縣下云決水北至蓼入

變之似淮又有灌水亦北至蓼入決道元蓋抄其詞而稍

楚公子變滅舒蓼臧文仲聞之曰臯陶庭堅不祀忽諸

德之不建民之無援哀哉朱氏謀埠箋曰按左傳文公

仲有臯陶不祀之歎至宣公八年夏楚人滅舒蓼自是兩事

水受決水東北流逕陽泉縣故城東故陽泉鄉也漢靈

帝中封太尉黃琬為侯國一清按靈帝下脫年號後漢

名臣徵為司徒遷太尉更封陽泉鄉侯卓入朝在又西

北流左入決水謂之陽泉口也一清按三國志魏書滿

寵整軍趨陽宜口即陽泉口也又吳書孫綝傳朱異帥

三萬人屯安豐城為文欽勢魏兖州刺史州泰拒異于

又北入于淮

俗謂之決口非也斯決灌之口矣余往因公至于淮津

舟車所屆次于決水訪其民宰與古名全違脈水尋經

方知決口一清按上文既以俗謂決口為非而此又云方知決口何耶或恐有脫誤蓋灌漑聲相倫習俗害真耳

泚水出廬江潯縣西南霍山東北

潯者山水名也開山圖潯山圍繞大山為霍山郭景純曰潯水出焉縣即其稱矣春秋昭公二十七年吳因楚喪圍潯是也地理志曰泚水出泚山不言霍山泚字或作潯潯水又東北逕博安縣泄水出焉

東北過六縣東

潯水東北右會踰鼓川水水出東南踰鼓川西北流左注潯水潯水又西北逕馬亭城西又西北逕六安縣故

城西縣故咎陶國也夏禹封其少子奉其祀今縣都陂中有大冢民傳曰公琴者即臯陶冢也楚人謂冢為琴

矣一清按此文與汝水篇注可參證皇覽亦謂之曰琴也漢高帝元年別為衡山

國五年屬淮南文帝十六年復為衡山國武帝元狩二年別為六安國王莽之安風也漢書所謂以舒屠六晉太康三年廬江郡治潯水又西北分為二水芍陂出焉又北逕五門亭西西北流逕安豐縣故城西晉書地道記安豐郡之屬縣也俗名之曰安城矣又北會濡水亂

流西北注之

北入于淮

水之決會謂之泚口也

泄水出博安縣一清按漢志九江郡有博鄉縣續志無蓋後漢省說文云泄水受博安洵波豈順帝

以前曾改博鄉為博安乎顧祖禹曰即壽州之都陸城晉元帝封六安繆王子交為侯邑考晉志又無之

博安縣地理志之博鄉縣也王莽以為揚陸矣泄水自

縣上承泚水於麻步川西北出歷濡谿謂之濡水也全氏

曰漢志六安國六縣如谿水首受泚東北至壽春入芍陂即濡谿水也

北過芍陂西與泚水合

泄水自濡谿口逕安豐縣北流注于淠一謂之濡須口

西北入于淮

亂流同歸也

肥水出九江成德縣廣陽鄉西

呂忱字林曰肥水出長餘山俗謂之連枷山亦或以為

獨山也北流分為二水施水出焉肥水又北逕荻城東

又北逕荻邱東右會施水枝津首受施水於合肥縣城

東西流逕成德縣注于肥水也

肥水別北過其縣西北入芍陂

肥水自荻邱北逕成德縣故城西王莽更之曰平阿也

又北逕芍陂東又北逕死虎塘東芍陂瀆上承井門與

芍陂更相通注故經言入芍陂矣肥水東北右合閻澗

水水上承施水於合肥縣北流逕浚澗縣西水積為陽

湖陽湖水自塘西北逕死虎亭南夾橫塘西注宋太始

初豫州司馬劉順帥衆八千據其城地以拒劉劭杜叔

寶以精兵五千送糧死虎劉劭破之此塘一清按通鑑

宋明帝紀殷琰將劉順柳倫皇甫道烈龐天生等八千人東據宛唐

胡三省注云宛唐水經注作死虎杜佑通典作死武地

名在壽州壽春縣東四十餘里水分爲二洛澗出焉閻

杜叔寶宋書殷琰傳作趙叔寶

漿水注之水受芍陂陂水上承澗水於五門亭南別爲

斷神水又東北逕五門亭東亭爲衆水之會也斷神水

又東北逕神迹亭東又北謂之豪水雖廣異名事實一

水又東北逕白芍亭東積而爲湖謂之芍陂陂周一百

二十許里在壽春縣南八十里一清按元和郡縣志云

芍陂周二百里逕百里

言楚相孫叔敖所造魏太尉王凌沈氏曰王凌時與吳

將張休大戰于芍陂卽此處也陂有五門吐納川流西

北爲香門陂水北逕孫叔敖祠下謂之芍陂瀆全氏曰

對境圖曰芍陂周二百二十四里與陽泉大業並子思

作引淠水爲子午渠開六門淠水卽淠水也陽泉見決

水篇其大業當在蓼縣蓋取臯又北分爲二水一水東

注黎漿黎漿水東逕黎漿亭南文欽之叛吳軍北入諸

葛緒拒之於黎漿卽此水也東注肥水謂之黎漿水口

又北過壽春縣東肥水自黎漿北逕壽春縣故城東爲長瀨津津側有謝

堂北亭迎送所薄水陸舟車是焉萃止又西北左合東

溪谿水引瀆北出西南流逕導公寺西寺側因谿建刹
 五層屋宇閒敞崇虛巉嶢也又西南流注于肥肥水又
 西逕東臺下臺即壽春外郭東北隅阿之榭也東側有
 一湖三春九夏紅荷覆水引瀆城隍水積成潭謂之東
 臺湖亦肥南播也肥水西逕壽春縣故城北右合北谿
 水導北山泉源下注漱石頽隍水上長林插天高柯負
 日出于山林精舍右山淵寺左道俗嬉遊多萃其下內
 外引汲泉同七淨谿水沿注西南逕陸道士解南精廬
 臨側川谿大不為廣小足閒居亦勝境也谿水流注于
 肥水

北入于淮

肥水又西分爲二水右即肥之故瀆過爲船官湖以置
 舟艦也肥水左瀆又西逕石橋門北亦曰草市門外有
 石梁渡北洲洲上有西昌寺寺三面阻水佛堂設三像
 眞容妙相相服精煒是蕭武帝所立也寺西即船官坊
 倉兒都水是營是作湖北對八公山山無樹木惟童阜
 耳山上有淮南王劉安廟劉安是漢高帝之孫厲王長
 子也折節下士篤好儒學養方術之徒數十人皆爲俊
 異焉多神仙秘法鴻寶之道忽有八公皆鬚眉皓素詣
 門希見門者曰吾王好長生今先生無住衰之術未敢

相聞八公咸變成童王甚敬之八士並能鍊金化丹出入無間乃與安登山埋金於地白日昇天餘藥在器雞犬舐之者俱得上昇其所昇之處踐石皆陷人馬跡存焉故山卽以八公爲目余登其上人馬之跡無聞矣惟廟像存焉廟中圖安及八士像皆坐牀帳如平生被服纖麗咸羽扇裙帔中壺枕物一如常居廟前有碑齊永明十年所建也山有隱室石井卽崔琰所謂余下壽春登北嶺淮南之道室八公石井在焉亦曰左吳與王春傅生等尋安同詣元洲還爲著記號曰八公記都不列其雞犬昇空之事矣按漢書安反伏誅葛洪明其得道

事備抱朴子及神仙傳肥水又左納芍陂瀆瀆水自黎漿分水引瀆壽春城北逕芍陂門右北入城昔鉅鹿時苗爲縣長是其畱犢處也瀆東有東都街街之左道北有宋司空劉劭廟宋元徽二年建于東鄉孝義里廟前有碑時年碑功方創齊永明元年方立沈約宋書言太始元年豫州刺史殷琰叛明帝假劭輔國將軍討之琰降不犯秋毫百姓來蘇生爲立碑文過其實建元四年故吏顏幼明爲其廟銘故佐龐璉爲廟讚夏侯敬友爲廟頌並附刊于碑側瀆水又北逕相國城東劉武帝伐長安所築也堂宇廳館仍故以相國爲名又北出城注

肥水又西逕金城北又西左合羊頭谿水水受芍陂西
 北歷羊頭谿謂之羊頭澗水北逕熨湖左會烽火瀆瀆
 受淮於烽火村南下注羊頭谿側逕壽春城西又北歷象
 門自沙門北出金城西門逍遙樓下北注肥瀆肥水北
 注舊瀆之橫塘為元康南路馳道左通船官坊也肥水
 逕元康城西北流北出水際有曲水堂亦嬉遊所集也
 又西北流逕八公山昔在晉世謝元北禦苻堅祈八公
 山及置陣于肥水之濱堅望山上草木咸為人狀此即
 故戰敗處非八公之靈有助蓋苻氏將亡之惑也肥水
 又西北注于淮是曰肥口也

施水亦從廣陽鄉東南入于湖全氏曰施水導源廣陽鄉

芍陂而歸巢湖經文之例未有不溯其所自出者此篇獨變文書之

施水受肥於廣陽鄉東南流逕合肥縣應劭曰夏水出

城父東南至此與肥合故曰合肥闕駟亦言出沛國城

父東至此合為肥余案川殊派別無沿注之理方知應

闕二說非實證也蓋夏水暴長施合于肥故曰合肥也

非謂夏水胡三省通鑑釋文辨誤曰史炤曰合肥漢九

故曰合肥余案應劭所云酈道元固疑之矣道元以夏

水出城父而東南流入于淮則與淮合無絕淮而南流

至合肥縣與肥水合之理而施水于灤湖肥水西北注淮

而施水東南入灤湖已自分流惟夏月暴水漲溢則二

水經注釋 卷三十二 十 東潛趙氏定本

乎信而有徵矣一清按漢志沛郡城父縣下云夏肥水東南至下蔡入淮過郡二行六百里城父與下蔡皆屬沛郡不得云過郡二也而應劭于九江合肥縣下云夏肥水出父城東南至此與淮合所謂父城即沛郡之城父非潁川之屬縣又云與淮合則亦何關于合肥之名耶道元引之改而曰出城父與肥合且又證以闕駟之說肥在淮南夏肥水安能截淮南過而與之合且所謂與肥合者夏肥水也是肥與肥合矣道元知其說之謬妄故折之曰非謂夏水非謂夏水者非謂夏肥水也又曰夏水暴長施合于肥故曰合肥施水亦出九江成德之廣陽鄉而流合于肥故曰合肥夏月水暴長二水相合與導荷澤被孟諸之義相扶道元所謂水盛方乃覆被者也夏肥水源流已具淮水注中唐志在城父下本自不錯應劭移之合肥之下則舛矣唐盧潘合肥辨曰漢書淮南王殺開章葬之肥陵肥陵水之上也應劭云夏水出父城東南至此與肥合故曰合肥今按肥水出雞鳴山北流二十里所分而為二其一東南流逕合肥縣南又東南入灤湖其一西北流二百里出壽春西投于淮二水皆曰肥爾雅歸異出同流肥言所出同而歸異也是山也高不過百尋所出惟一水分流而已其

源實同而所流實異也故皆曰肥今二州圖記皆不見夏水與父城惡賭其謂夏與肥合者乎合于一源分而為肥合亦同也故曰合肥而云夏與肥合者亦應氏之失也此文見姚鉉唐文粹中其言足發酈氏之所未備

施水自城父一清按城父當作成德此是行間斷爛後人填補見有成字遂疑即上文之城父而

遠奮筆書之真酈氏之枉屈也**東逕合肥縣城南城居四水中東又有**

逍遙津水上舊有梁孫權之攻合肥也張遼敗之于津

北橋不撤者兩版權與甘寧蹴馬趨津谷利自後著鞭助勢遂得渡梁凌統被鎧落水後到追亡流涕津渚施水又東分為二水枝水北出焉下注陽淵施水又東逕湖口戍東注巢湖謂之施口也

水經注釋 卷三十一 施水 十一 東潛趙氏定本

唐六典淮南道大川曰滁肥之水巢湖在焉寰宇記廬州慎縣下云滁水源出縣西暴秃古塘酈元注水經云滁水出浚適縣也又和州含山縣下引水經注云滁水東經大峴西北流逕大峴亭即此山也方輿紀要云滁河源出廬州府合肥縣東北七十里廢梁縣界東流過滁州全椒縣南六十里又東至滁州東南三汊河又東至江寧府六合縣為瓦梁河東南流至瓜埠口而入大江三國志吳赤烏三年作堂邑涂塘以淹北道今滁州古曰涂中其地實南北扼要之區猶脫落無聞則濱江來會之水大要失亡矣

沮水出漢中房陵縣睢山

全氏曰按睢山楊慎本作淮山誤也漢志房陵縣淮山淮水所出也睢山即東山之一名字稍近淮因之成訛

出東山沮水所出是房陵固有淮山然非沮水所出也睢山即東山之一名字稍近淮因之成訛東南過

臨沮縣界

沮水出東汶陽郡沮陽縣西北景山即荆山首也高峯

霞舉峻竦層雲山海經云金玉是出亦沮水之所導故

淮南子曰沮出荆山高誘云荆山在左馮翊懷德縣蓋

以洛水有漆沮之名故也斯繆證耳杜預云水出新城

郡之西南發阿山蓋山異名也沮水東南流逕沮陽縣

東南縣有潼水東逕其縣南下入沮沮水又東南逕汶

陽郡北即高安縣界郡治錫城縣居郡下城故新城之

下邑義熙初分新城立西表悉重山也沮水南逕臨沮縣西青谿水注之水出縣西青山山之東有濫泉卽青谿之源也口徑數丈其深不測其泉甚靈潔至於炎陽有亢陰雨無時以穢物投之輒能暴雨其水導源東流以源出青山故以青谿爲名尋源浮谿奇爲深峭盛宏之云稠木傍生凌空交合危樓傾岳恒有落勢風泉傳響於青林之下巖猿流聲於白雲之上遊者常若目不周翫情不給賞是以林徒栖託雲客宅心泉側多結道士精廬焉青谿又東流入于沮水沮水又屈逕其縣南晉咸和中爲沮陽郡治也沮水又東南逕當陽縣故城

北城因岡爲阻北枕沮川其故城在東一百四十里謂之東城在綠林長坂南長坂卽張翼德橫矛處也沮水又東南逕驢城西磨城東又南逕麥城西昔關雲長詐降處自此遂叛傳云子胥造驢磨二城以攻麥邑卽諺所云東驢西磨麥城自破者矣沮水又南逕楚昭王墓東對麥城故王仲宣之賦登樓云西接昭邱是也沮水又南與漳水合焉

又東南過枝江縣東南入于江

沮水又東南逕長城東又東南流注于江謂之沮口也

漳水出臨沮縣東荆山東南過蓼亭又東過章鄉南

荆山在景山東一百餘里新城沅鄉縣界雖羣峯競舉而荆山獨秀漳水東南流又屈西南逕編縣南縣舊城在東北一百四十里高陽城西南移治許茂故城城南臨漳水又南歷臨沮縣之彰鄉南昔關羽保麥城詐降而遯潘璋斬之于此漳水又南逕當陽縣又南逕麥城東王仲宣登其東南隅臨漳水而賦之曰夾清漳之通浦倚曲沮之長洲是也漳水又南滄水注之山海經曰滄水出東北宜諸之山南流注于漳水全氏曰按漢志南郡高成縣滄山滄水所出東入繇繇水南至華容入江繇水即油水也不言入漳善長蓋主山經而油水篇則又主漢志

又南至枝江縣北烏扶邑入于沮

地理志曰禹貢東條荆山

一清按東條字誤當作南條

在臨沮縣之

東北漳水所出東至江陵入陽水注于沔非也今漳水

於當陽縣之東南一百里餘而右會沮水也

夏水出江津於江陵縣東南

全氏曰按經文之例皆日出某郡某縣某山獨汲水獲水

實即葭蕩渠之注陰溝者而夏水亦即江水也皆變文書之一清按水經注此條本之伏生大傳夏水出江入沔沔亦入江荆州之沱宜以夏水當之

江津豫章口東有中夏口是夏水之首江之沱也屈原

所謂過夏首而西浮顧龍門而不見也龍門即郢城之

東門也

又東過華容縣南

水經主釋

卷三十二

十四 東潛趙氏定本

縣故容城矣春秋魯定公四年許遷于容城是也北臨中夏水自縣東北逕成都郡故城南晉永嘉中西蜀阻亂割華容諸城為王穎都夏水又逕交趾太守胡寵墓北漢太傅廣身陪陵而此墓側有廣碑故世謂廣冢非也其文言是蔡伯喈之辭歷范西戎墓南王隱晉書地道記曰陶朱冢在華容縣樹碑云是越之范蠡沈氏曰登樓賦已有北稱陶牧之文本注云陶鄉名牧郊外地則非指蠡冢晉太康地記盛宏之荊州記劉澄之記並言在縣之西南郭仲產言在縣東十里檢其碑題云故西戎令范君之墓碑文缺落不詳其人稱蠡是其先也碑是永嘉二年立觀其所述最為

究悉似親經其地故違衆說從而正之夏水又東逕監利縣南晉武帝太康五年立縣土卑下澤多陂池西南自州陵東界逕于雲杜沌陽為雲夢之藪矣韋昭曰雲夢在華容縣按春秋魯昭公三年鄭伯如楚子產備田具以田江南之夢郭景純言華容縣東南巴邱湖是也

一清按漢志南郡華容縣雲夢澤在南荆州藪杜預云枝江縣安陸縣有雲夢

蓋跨川互陞兼苞勢廣矣夏水又東夏陽水注之水上承陽水於竟陵縣之柘口東南流與中夏水合謂之夏

陽水又東北逕江夏惠懷縣北而東北注

一清按隋書地理志梁置

沔陽營陽州城三郡及州陵惠懷二縣西魏省二縣改置建興縣其故城在沔陽州北二里道元卒于孝昌二

年上距梁天監元年僅五年耳其成書不知在何時而遽稱江表新朝之建置乎此蓋後人所增入與沔水注引吳均之詩可互證也

又東至江夏雲杜縣入于沔東南流與中夏水合

應劭十三州記曰江別入沔為夏水源夫夏之為名始

於分江冬竭夏流故納厥稱既有中夏之目亦苞大夏

之名矣當其決水之所出謂之賸口焉

一清按寰宇記引荊州圖副曰

夏水既非山流有若川瀦冬斷夏通故名又曰盛宏之云夏首又東二十餘里有渚口二水之間謂之夏洲首

尾七百里華容監利二縣在其中矣鄭元注尚書滄浪之水言今謂之夏

水來同故世變名焉劉澄之著永初山川記云夏水古

文以為滄浪漁父所歌也因此言之水應由沔今按夏

水是江流沔非沔入夏假使沔注夏其勢西南非尚書

又東之文余亦以為非也自賸口下沔水通兼夏目而

會于江謂之夏沔也故春秋左傳稱吳伐楚沈尹射奔

命夏沔也杜預曰漢水曲入江即夏口矣

一清按劉昭郡國志補註

云史記蘇秦說楚威王東有夏州左傳楚莊伐陳鄉取一人焉以歸謂之夏州今夏口城有州名夏口則是夏之為名始于楚莊水因以立稱道元以仲瑗康成之說為非是蓋特具卓識也

羌水出羌中參狼谷

彼俗謂之天池白水矣地理志曰出隴西羌道東南流

逕宕昌城東西北去天池五百餘里白水又東南逕宕

婆川城東南北注羌水昔姜維之寇隴右也聞鍾會入

漢中引還知雍州刺史諸葛緒屯橋頭從孔函谷將出北道緒邀之此路維更從北道渡橋頭入劔閣緒追之

不及也全氏曰按是時姜維由沓中赴難非有事于隴右也諸葛緒塞橋頭維乃由北道入示將斷其後緒

遂退還維反軍渡橋頭入羌水又東南陽部水注之水劔閣非緒邀之于北道也

發東北陽部谿西南逕安民戍又西南注羌水又東南

逕武階城西南又東南逕葭蘆城西羊湯水入焉水出

西北陰平北界湯谿東南逕北部城北又東南逕五部

城南東南右與妾水合傍西南出即水源所發也羌水

又逕葭蘆城南逕餘城南一清按此處有脫誤又東南左會五部

水水有二源出南北五部谿西南流合為一水屈而東

南注羌水羌水又東南流至橋頭合白水東南去白水縣故城九十里

又東南至廣魏白水縣與漢水合又東南過巴郡聞中縣

又南至墊江縣何氏曰墊江之墊說文作藝从衣不从土孟康曰音重疊之疊此是後人傳寫之誤

東南入于江堂山水賦曰墊江之水又南對峽出焉西發

涪水出廣魏涪縣西北水會水出黃夷涪涪縣東南流

涪水出廣漢屬國剛氏道徼外東南流逕涪縣西王莽

之統睦矣臧宮進破涪城斬公孫恢於涪自此水上縣

有潺水出潺山水源有金銀礦洗取火合之以成金銀

潺水歷潺亭而下注涪水涪水又東南逕綿竹縣北臧

宮溯涪至平陽公孫述將王元降遂拔綿竹涪水又東
 南與建始水合水發平洛郡西谿西南流屈而東南流
 入于涪涪水又東南逕江油戍北鄧艾自陰平景谷步
 道懸兵東馬入蜀逕江油廣漢者也涪水又東南逕南
 安郡南又南與金堂水會水出廣漢新都縣東南流入
 涪一清按華陽國志曰新涪水又南枝津出焉西逕廣
 漢五城縣為五城水又西至成都入于江人謂為之
 南至小廣魏與梓潼合東漢水合又東南逕四
 小廣魏即廣漢縣地王莽更名曰廣信也
 梓潼水出其縣北界西南入于涪與合曰水東南去白水

故廣漢郡也公孫述改為梓潼郡劉備嘉霍峻守葭萌

之功又分廣漢以北別為梓潼郡以峻為守縣有五女

蜀王遣五丁迎之至此見大蛇入山穴五丁引之山崩

歷五丁及五女因氏山為五婦山又曰五婦堠馳水所

出一清按沔水篇一曰五婦水亦曰潼水也其水導源

山中南逕梓潼縣王莽改曰子同矣自縣西逕涪城東

又南入于涪水謂之五婦水口也一清按寰宇記射洪

江水又東南合射江即今射洪縣有此水今本無之神首爾水皆萬餘人水為

又西南至小廣魏南入于墊江並非宮志述古觀水

亦言涪水至此入漢亦謂之為內水也北逕墊江昔

岑彭與臧宮自江州從涪水上公孫述令延岑盛兵于

涪水一清按章懷後漢書注曰沈水本或作況水及沅水者並非宮左步右騎夾船

而進勢動山谷大破岑軍斬首溺水者萬餘人水為濁

流沈水出廣漢縣下入涪水也

涪水出漢中南鄭縣東南旱山北至沔陽縣南入于沔全氏

曰史記沱涪既道鄭康成尚書注曰水自漢出為涪是涪固爾雅之潛也漢志漢中郡安陽縣鵞谷水師古曰音潛其字亦或從水而不即以為尚書之潛何哉及讀鄭注有曰安陽之潛尾入漢耳首不自漢出也此言了然乃知潛涪字通而涪水亦不

涪水即黃水也東北流逕成固南城北城在山上或言

韓信始立或言張良創築未知定所制矣義熙九年索

還為果州刺史自成固治此故謂之南城城周七里衿

澗帶谷絕壁百尋北谷口造城東門傍山尋澗五里有

餘盤道登陟方得城治城北水舊有桁北渡涪水水北

有趙軍城城北又有桁渡沔取北城城即大成固縣治

也黃水右岸有悅歸館涪水歷其北北至沔陽合沔為

三水口也

三水其也

出潯水其水出潯山其水出潯山其水出潯山

潯水其水出潯山其水出潯山其水出潯山

潯水其水出潯山其水出潯山其水出潯山

潯水其水出潯山其水出潯山其水出潯山

水經注釋卷三十二終

卷之四